



ル 5
3143
14



門 儿 5
流 3143
卷 14

歸金石遺文記

縣人武 億虛谷纂著

男穆淳愚溪校

韓甲辰太初採緝

周寅簋銘 佚

考古圖銘曰有進後零邦人正之師氏人有學有故西
馭服即汝⊗繇宥卑復虐逐乃君乃師乃作予一人照
王曰寅敬明乃心用辟我一人善故乃友內辟勿事
虐從獄受雜且行道乃非正命乃故疾譏人則唯輔天
降喪不亡惟死錫汝秬鬯一鹵乃芹芻赤湯馮軒朱輦

漢書錄

金石錄上

華號卮整虎冕紳裏畫鞞爵金甬馬四匹鑿勤敬
夙夕勿廢脫命寅拜稽首揚天子丕顯魯休用作寶簋
叔拜父叔故萬年子子孫孫永寶用

童鈺按假師尸鄉春秋尸氏也水經注以為王莽所
謂師氏莽意欲返古尸古得通稱如寅簋銘所謂師
氏人者蓋卽假師人也

億案尸鄉水經注據司馬彪郡國志以為春秋之尸
氏也未嘗言王莽所謂師氏前書地理志唯載莽曰
或又不謂之師氏反覆尋校知以傳本譌莽強為

也又銘所載師氏人有鼻有說志

人善証之師氏所職於義為協詩小雅十月箋

維師氏是其官在周之衰亦猶未改故當時寅為
此官而銘先書之是也寅簋舊器既佚後人惟據轉

相牽釋之文傳訛踵謬益失其實今槩不存錄亦非
疑以傳疑之義余姑仍府志所著附以辨証俟識者
擇焉

周劉公鋪銘 佚

考古圖銘曰劉公作杜孀尊鋪永寶用

童銍案周靈王時有劉定公景王時有劉獻公此云劉公未審為誰偃師有劉亭乃劉公采地也

億案左傳疏宣十年天王使王季子來聘傳稱劉康公來聘是王季子食采於劉遂為劉氏據此劉康公當定王時又在定公前為劉亭受封之始者童氏失引又括地志云劉聚即劉累故城案累之後在周為唐杜氏故劉公作杜孀尊鋪用以不忘其先是益非周之劉子矣如志所証恐未為信也

漢何比干銅盤銘 佚

關堂集古錄銅盤銘右林左泉後岡前道萬世之寧

薛尚珙鐘鼎欵識言唐開元中偃師縣十人耕地得

此盤篆文甚奇古其釋文云左林右泉後岡前道萬

世之藏茲焉是寶

康少由影抄本云開元四年游子武

尺六寸上鏤文深三分其左右前後岡道與泉並存唯

林無矣考諸圖籍節比干之墓

金石文字記考張邦基墨莊漫錄曰政和間朝廷求

三代鼎彝器程唐為陝西提點茶馬李朝孺為陝西

轉運遣於鳳翔府礮商比干墓得銅盤徑二尺餘中

有欵識一十六字又得玉片四十三枚其長三寸許

上圓而銳下潤而方後半指玉色明瑩以盤獻之於

朝玉留秦州軍資庫道君皇帝日前代忠賢之墓安得發掘乃罷朝孺退出其盤其玉久在秦庫近年王庶知秦州日取之而去祁寬居之嘗見之為余言之然則此碑之得自鳳翔不自偃師

郭盾伯金石史銅盤銘似非三代語第銘字頗類淮南王故宮所出古戈銘而輒謂武王封比干墓抑何據耶他如衡岳壇山比干季札墓題語書皆妄自附會

童鈺按一統志及金石志以為偃師有比干墓銅盤銘所謂比干墓者非殷比干乃漢何比干也偃師志

何比干汝陰人漢武帝時廷尉墓中以銅盤銘於唐開元中

條何比干事附見後漢書何敞傳云六世祖比干武帝時為廷尉正與張湯同時縣志引此脫正字敞傳注引何氏家傳惟載為汝陰獄吏決曹椽後為丹陽都尉又載本始元年自汝陰徙平陵家傳鋪揚事跡容過其實而歷官占籍宜不致有誤是比干為廷尉正果在徙家後上距張湯之自殺已四十一年焉得同時况先家汝陰後徙平陵其墓亦不當在偃師皆志附會之也此意補自小山云

漢夷齊廟二碑佚

水經注首陽山上有夷齊廟前有二碑並後漢河南尹廣陵陳導雒陽令徐循與處士平原蘓騰南陽何進等立

漢蔡邕夷齊廟碑

後漢書五行志章懷太子注蔡邕作伯夷叔齊碑曰
熹平五年天下大旱禱請名山求獲答應時處士平
陽蘓騰字元成夢陟首陽有神馬之使在道明覺而
思之以其夢陟狀上聞天子開三府請雨使者與
縣戶曹掾吏登山升祠手書要曰君既我聖主以洪
澤之福天尋興雲即降甘雨也

億案水經注作處士平原蘓騰今章懷注依中郎碑
作平陽中郎在漢末所書宜可據

鄭良其廟石人銘 佚

水經注陽渠水逕漢廣野君鄭食其廟南廟在北山
上成公綏所謂偃師西山也山上舊基尚存廟宇東
面門有兩石人對倚北石人胸前銘云門亭長
億案玉海云門亭長王州正門今兩石人對倚廟門
其銘義蓋本此

漢鄭食其廟碑 佚

水經注石人西有二石闕雖經頽毀猶存丈餘闕西
即廟故基也基前有碑文字剝缺不復可識子安仰
澄芬於萬古讚清徽於廟像文字厥集矣

司空密陵光侯鄭袤廟碑 佚

水經注王莽中亭即緱氏城也休水屈逕其城西水之西南有司空密陵光侯鄭袤廟碑文缺不可復識

魏鍾繇墓碑

佚

天下金石志偃師有鍾繇墓碑

晉城門校尉昌原恭侯鄭仲林碑

佚

水經注休水西南有晉城門校尉昌原恭侯鄭仲林碑皇始六年立

童鈺按皇始乃秦苻氏健年號金石攷作秦始六年是

億

案戴氏校定水經正作秦始六年童氏所據本乃

傳刻者誤也

晉銅釜銘

存八分書在韓甲辰家


太康三年八月六日右尚方造一升銅釜重九斤七兩第一

億

案銅釜近自韓太初搆覓得之寺僧某與余向所

藏晉劉府君碑并為縣金石之冠釜口兩旁有耳今已損脫尚微有痕腹中起邊楞向下鐫銘凡二十三字其云造一斤銅釜重九斤七兩推較今權量釜容一斤當今官升二升二合重九斤七兩當今秤三斤十兩按古權量大率皆以三而當一據此釜証之量

則以四升五合餘當今之一升權則以二斤九兩六錢餘當今之一斤歐陽集古錄谷口銅甬始元四年左馮翊造其銘曰谷口銅甬容十斗重四十斤以今權量校之容三斗重十五斤斗則三而有餘斤則三而不足與此可類舉也晉書職官志少府統材官校尉中左右三尚方自渡江唯置一尚方銘載右尚方正與史文合又斗作升漢碑刻如隸釋所載老子銘有升星字石門頌上順升極洪氏並云斗字亦可附証 近閱禮器圖筮皆作敞口上寬下狹口上旁夾兩耳如俗稱高耳鐺者得此筮証之蓋臆製也



汾陽趙鼓繪筮

晉劉府君墓誌

存八分書在武億家

晉故使持節都督青徐諸軍事征東將軍軍司關中侯劉府君之墓君諱韜字泰伯叔孝處士君之元子也夫八沛國蔡氏

億

案誌向為土人掘井出之已二十餘年仍棄置一

民家乾隆癸卯余自杏園庄假之而歸石以今尺量度不過二尺餘上銳下齊作圭形無年月可考字皆完好無缺晉碑世不多有而此誌尤喜為余得獨不淪毀亦其有幸不幸與劉君官不為卑然於功狀竟無所鋪叙古人之不流美尤為可愛如此誌所言

漢書之金石錄晉光祿勳向凱碑有賜爵關中侯

晉鴻臚成公重墓刻有守鴻臚關中侯隸續晉右軍

將軍鄭烈碑賜子一人爵關中侯與此符合或曰關

中侯即關內侯之異文余謂不然魏書置名號侯爵

十八級關中侯爵十七級皆金印紫綬又置關內外

侯十六級銅印龜紐墨綬五大夫十五級銅印環紐

亦墨綬皆不食租與舊列侯關內侯凡六等

見三國志注引

晉書武帝紀五等之封皆錄舊勳本為縣侯者傳封

次子為亭侯為鄉侯為關內侯亭侯為關中侯然則

既有關中侯又置關內侯其為二爵顯然而世多混

同爲一此古制之存愈以失考也又晉書苻堅載記
 馬建降於苻遂攻據害之及其軍司席勒碑軍司之
 名同此誌石出自杏園墓亦當在是然無可尋矣
 陳龍正家矩誌石崙防發掘須令易見若準家禮合
 字於背外用鍊束是掩之也雖掘者見石何由知爲
 某塚而遽歇手乎冀其斷鍊開諦察詳觀抑又難矣
 宜仰字於面但以輓覆之離墳前數尺淺埋之案此
 石由掘井始出土蓋卽當日誌墓之石埋於墳中者
 制亦如漢碑式而形制特小直不復用輓較之家鍾
 以意爲之者更有據也禮家宜倣爲後人埋銘定式

晉石軍鄭烈碑佚

金石攷太康四年碑在緱氏

後魏王子晉碑佚

金石畧延昌四年 府志引

魏故懷令李君墓誌銘 正書在縣學明倫堂

君諱超字景昇本字景宗後承始族叔在江右者懸同
 故避改云秦州隴西郡狄道縣都卿華風里人也雅著
 高節敦襲世風言行足師興作成准循情孝友因心名
 義安貧樂道息詭遇之襟介然峻特標確焉之操弱冠
 舉司州秀才拜奉朝請除恒農郡冠軍府錄事參軍事

懷慶府志

卷二十七

金石錄上

八

宰沁水縣庶政崇治綽居尤最爲受罪者所誣章憲臺
誤聽被茲深劾除名爲民於是廿年中浮沈閭巷玉潔
金志卓爾無悶到熙平二年甫更從宦補荊州前將軍
騎兵叅軍事復作懷令已受拜垂垂述職遭疾正光五
年八月十八日卒於洛陽縣之永年里宅時年六十孤
貞華首訖於二邑門從無兩遠適酸恨懷之百姓長慕
喪氣雖陳留之哀望胡季處不是過也越六年正月丙
午朔十六日辛酉葬洛陽縣覆舟山之東南元壤雖窳
陵谷時異刻茲陰石照序光塵泱泱顯族藪萼西垂代

義清則

缺炳羽儀道妙之門緒風屬斯惟祖惟考備

音昌謨迭駕高獲明規杳量无隄元契不貲檢修
買真應紛枝灼灼伊君山立淵渟棲真宅正寢繩履程
懿鍊爲質醇素用情均冶禮世氣重財輕亦旣從招旁
溢鴻聲隨牒出入密勿力誠爰莅近邑先邁儀形絕交
獨坐化動陰竄尚德貽谷衆實巨蓋拂衽歸來飭轅褫
帶恂恂卿閥萬殊一會優柔善成无小无太垂白再仕
汎爾汭流階倫稍降盛業愈迢遠作後城士女承仵繼
頓方馳盡土悲愁尅節煽言引賞靡徵端恭妄劄家俗
虛膺權彼圯跡事罔篇繒長源未輪深圖乍卷蒞此逸
機空生徒返茲寬易削疇毒難遣楨榭踈竦泉房寒遠

孀孤內爛妹弟摧咷式鏤沈石託注幽篆妻恒農楊氏
 父談為邾州主簿息女子宜年三十六適恒農王始傷
 郡中正息女媛姿適遼西常彪侍御史息女仲妃適武
 威賈子謚京州治中息道冲息女婉華息女休顏息女
 四輝息道逸年十六息道栖年十三

億

案誌石近出土並無斷缺李君諱超字景昇本字

景宗後承始秩叔在江左者懸同遂易其字誌下文
 又云正光五年卒越六年始葬北史孝明帝紀正光
 五年下改元孝昌孝昌三年改元武泰又孝莊帝立
 則為武泰元年今按誌自正光五年起至越六年之

葬已在武泰二年矣當時年號在數年中凡屢

改易而纖悉書之不便於文故約舉言之又誌云女

皆作息女子皆作息史記漢高祖本紀臣有息女正

義曰息生也東觀漢記蓋我子息也誌蓋本此書子

女而並書婿牽連之文則愈煩贅矣誌石出自今喬

家邨旁近此誌云葬洛陽縣覆舟山之東南當時僂

師並屬洛陽於斯可徵而覆舟山古跡之尙存者亦

有指也

東魏造須彌塔記 正書在縣北牙庄古聖寺

大魏天平三年歲次丙辰正月朔癸卯合邑等敬造須

彌塔一壻仰為皇帝陛下師僧七世父母所生父母因緣眷屬後為遍地衆生常與善居彌勒三會唱在初首下生人間侯王長者合邑諸人所願如是後列教化王方畧戶曹和維那劉名缺下列邑師法顯邑師道寶比丘邱道景比丘僧惠賈仲郭阿个等

魏造像記

正書在縣南湯王廟

大魏武定六年

九月己未朔十二日庚午邑

主敬造石像碑文

夫元精曠遠妙理冲深至道不廓幽蹟難覩故像物顯光出於恍惚之中法相輪暉生於希夷之外曠彼

王子之

缺

想瞻茲

缺

水闡九龍以成津瞻

缺

堂堂若

霄曼之帶曜靈尋之杳莫若遊霞之登九霄

缺

正覺焉

可究哉故佛弟子邑主

空八字當時待填姓氏本非殘缺

等導流荆宛

翻光嵩洛據

缺

衡

缺

道冠中鼎然日以生逢隘運形沈

邱壤識果業之可崇知冥筭之有期恐朝露之命覩太

陽而旭晞草木之年隨秋霜而降墜怙恃先器罔極之

功弗展幼子遐衰覆育之恩靡託遂罄竭家資

缺

引邑

義構像通衢崇慈寶業巽岩嶮谷之濱條蕩平原之里

背耗邱以樹形跨蘭嵩而建宇庶能使七世幽魂趨處

天堂之中前亡後死免脫八難之苦爰及冑允

缺

相承

軒蓋重輝窳

缺繼

入衛鈞陳出空藩岳台鈞相望珪

璋疊影

缺

翕蔚流聲篆素伏願皇道雍熙景命維新駿

奔載馳我淚交軫行蘆歌德霜豎被澤留錄再炳升

缺

吉始九厥蒼生咸蒙斯福乃作頌曰

聖迹啟元學道永真國王非寶儲貳匪珍捐妻施子外

若遺塵金軀靡愜望虎投身遂登正覺神通自然羣魔

稽首靈冠諸天慈悲萬有光照大千苞綸曠劫仰之彌

元擾擾羣生有善有惡報應如響隨心降擗磬茲懇果

庶免鼎鑊覬拔幽魂遷神妙樂伏願皇家景祚康延解

敬桃林釋繼

即繼

華山蒲車巖阿訪逸求賢孤竹拾微荷

是育樹此福堂勒碑啟像跨躡崇

缺壽之皎皎千載流

缺

芳

齊姜慕造像碑記

正書在縣南董家邨董春家

大齊天統元年太歲乙酉九月庚辰朔八日丁亥官姜

慕為亡息元畧敬造石像壹軀

夫靈暉西沒至理東遷尚盡神明像窮變現道

缺峻因

藉報遠清士姜元畧志隆邦國仁越州問巷仰風卿邑

譽望早洞元源夙達空指而石火電光無忽從化松摧落

岫蘭彫夏霜寶散黯泉玉碎黃父慕情慕東門心憑冥

福特為亡畧敬造先君像軀左右二侍聖相真容妙絕
 婆娑雕檀刻削波斯音鏤金鏤石優填慙巧神光照爛
 遍滿閭浮香氣氤氳寰世界業盛飛行事符踊出以此
 勝因追資畧直登淨境獨步虛空逍遙天服垂出六塵
 遨遊體長超八難彈指則遍侍十方合掌則歷奉眾聖
 去尊卑見存眷屬亡生淨鄉現獲妙果當來龍華昇初
 唱皇家慶隆澤治遶地三途楚毒俱辭苦惱六道四生咸
 蒙勝福壹切有 缺 同成 缺 覺

洪亮吉中州金石後序校齊姜纂記云天統元年太
 歲乙酉九月庚辰朔而知北齊後主之編千支亦

案碑完好其文云男官姜纂為亡息元畧敬造石
 像一軀又稱清信士姜元畧志隆邦國仁越州閭

云案顧亭林以今人出財布施皆曰信士宋太宗朝
 避御名凡義字皆改為信然以此推之殆於嘉
 已有清信士之稱則當時所避亦有據也又石鏤少
 像傍勒數字云孫女娥皇亦重舜妃之諱俗流不經
 如此別體字靈作靈東作東因作回儵作儵冥作冥
 老作尨遙作遙飛作垂邊作邊

齊造像記 正書在縣西義井舖北

妙旨幽微非聖無以盡於源聖行之與非福智莊嚴豈

能宏其道然今合邑諸人等宿殖明珠久歷諸佛故能
 異心同契仰慕遺踪在於定光像前敬造七佛寶堪并
 二菩薩賢聖諸僧彌勒下生梵王帝釋舍利彌非壹其金
 容赫奕照曜三千華麗二相妙苑八十尅木圖渥像而
 非喻採壁模形 是其譬觀之者爭信開明受禮者三
 彰珍息斯乃塵勞之中紹如來種藉此勝善仰願國祚
 永隆三寶增盛法界四生七世先靈存亡父母現在眷
 屬發菩提心彌勒下生恒為導首開化羣迷廣修萬行
 共集善根 缺 證菩提之道刊銘頌曰法性如如非有非
 無體非分別妙用非虛八 缺 成道似同凡夫生而非生

非滅神 缺 隆顯摩王歸軼化導三千人天獨步改

接聖慈悲覺寤示三空門今遊正路淨修波 缺 西攝

資助舊翼道品菩提永固天統三年歲次丁亥三月壬

申朔十五日丙寅建 洛州督兼治中奉朝請皇甫士通

州大中正平恩縣開國男皇甫迥 征東將軍洛

鎮前車騎府司馬趙恩榮 冠軍將軍洛州金

齊宋買造像記 正書在城內壽聖寺

言道圖明言像所未臻文字不能休 缺 之者既難法

海波爛遊之者勿易是大都邑王宋買廿二人等可謂

知周道濟之功圓應遍知之術宗尙在老之談景慕神

仙之術強攬博聞辯說無碍宣揚金口深藏法相乃祖

優師縣志 卷二十七 金石錄上 五

乃父積德於無窮維子維孫修道於祇劫故能知四毒

之分缺五蔭之美庄遂寄財於三寶託菓於婆羅啟鳩

家珍敬造天宮石像者一區其天宮左臨淥水具有公

路欄之佢廻石觀缺都仗有京華之缺前囑風竊據在

曹捺之故墟缺望山伊洛之南地私乃正是四輿之澤

壤中缺之淨土唯非舍利神變之首實是須達布金之

地其像也乃運玉石於荆山採浮磬於淮浦鑄勒彫文

缺龍缺而翠琤鏤林圓形等金錦而竟炎燄林見光未

殊於此妙剋檀缺制有愧於今容既如天上降來又似

地中勇出其中方相在缺五色鮮妙朱紫爭光青黃

覽跋看之從樂善忘歸觀缺難周尋刑叵遍自非高見

大士十力世雄孰能建私功業者哉緣茲摩訶善根仰

發洪顛三寶常存法輪永固王祚克隆七世先審託生

妙樂見在春屬值缺閱法四生之缺等戊正覺天統三

年歲次丁亥四月辛丑朔八日戊申建立

億案石龕置壽聖寺殿壁間與吳洛族碑同時取出

文稱大都邑王宋買二十二人又稱邑中正宋買必

其鄉曲之豪也鄙別字瀾作爛莊作在慕作暮強作

強覽作攬辨作辦碍作昇果作菓竭作竭臨作險澗

作囑囑作囑區作樞布作希刻作剋端作剗湧作勇

業作業靈作靈又言造天宮石像各一軀其天宮也
 左臨淶水具有公路澗之低迴右觀舊都快有京華
 之勢前矚風嶺據缺一字曹捺之故區三字不認山伊洛
 之南云云疑此天宮皆據四望言之當近緱氏地也
 不知此記石何時移置耳石左右側面悉有名題

齊造神碑記 正書在縣西義井舖北

白缺一字影缺一字人感帝像法肇興鳩摩啟悟方知城芥易窮

五衣時往雲電屢馳石光何遠若夫智出非缺一字道光

地德被天中威羅世界莫不發迹紫宮缺一字驅兜率越度

生死之河飛憑沸流之海而四生夥雜八缺一字紛綸壽等

葉同泡沫然大鑿降澤顯迹迦缺一字應權雙樹見從

忍士布慈雲於無邊注法雨於六道懸明鏡於重惛炳

金燈於長夜然則神珠照灼曠寶塔於空中甘露禎祥

潤枯萌於世上若乃久墮慾海不識沈厄之苦長處火

山詎愁熾燎之痛矣是以邑師比丘僧道畧體白六道

彌懷二覺雄才缺一字摠判三乘澄華皎爭與琉璃合潔素

質鏗鏘與隋珠角曜故知二鼠之暴不停四蛇之毒莫

在遂能共邑義三百餘人等託志菩提建崇宏願石出

藍田求工班爾敬造神碑一所尊像八龕龍螭缺一字鏤若

雲山之列形麗狀妙形似七寶之莊嚴而改天動地之

奇窮神盡聖之巧闔浮娑娑之珍衆生大慈之業然則
 地兼爽塏比竹林而並麗寺帶良田匹鹿苑而不殊花
 菓盞盞蘭柱綺合靈芝勺藥布護塔廷房廡周通斜缺
 出倚擁壁瑞浮樑止雪蓮錢遶淥井碧水類清泉缺樓
 交葛篔鐸參差羽翮林資聽妙響鸞鸞雙樹翫妙真
 音至於清風朗扇鐘聲相和莫覺擅指合掌南無遊歷
 四禪之境觀八三脫之中內安萬練之僧外招精進之士
 銀燈鼓炎百和騰烟錫響讚聲定崩煩惱有性厥靈永
 登寶地凡命舍品普昇淨土藉斯功德遍沾元劫芳韻
 詩歌銘歌何窮其詞曰

妙邈正教

缺

歸三明自達六識雲飛浮虛兜極

風觀遍帶流淵上于浮漢下際幽泉方須玉權事藉金
 舩踵茲洪福為衰舟樑發心何遠彼岸猶長天人覺悟
 超投大康所願缺同登淨鄉大齊武平二年歲次辛卯
九月十五日建
 齊孟阿妃造像記正書在縣南董家郝老君洞

大齊武平七年歲次丁酉二月甲辰朔廿三日丙寅清
 信弟子孟阿妃敬為忘夫朱元洪息子熬息子推息白
 石息康奴息女夏姬等敬造先君像一區今得成就願
 亡者去離三塗永超八難上昇天堂侍立道君茫茫三

界蠢蠢四生同出苦門俱昇上通

億案碑近出土無剝泐詞云清信弟子孟阿妃顧亭
林案魏書刑法志有河陰縣民張智壽妹容妃則固
有以民間女而稱妃者今証之此碑孟阿妃其為一
時通稱並無顧忌春秋正義妃者匹配之言非有尊
卑之異曲禮所云天子之妃曰后諸侯曰夫人大夫
曰孺人士曰婦庶人曰妻正義又以為因其爵之尊
卑為立別號其實皆配夫通以妃為稱然則今豈
之碑其詞亦為村嫗老媪所自謂蓋亦無足異者也
別體字亡作忘老作鬼軀作區又楚與夔皆不曉何字

正書在縣西義井舖北

金闕山大缺神缺於太十微則總百億於微芬乘權

受手津被塵沙有感斯缺門迹分缺東夏缺靈缺興不

有覺人孰宏斯道至若拔山移海之力復夏興周缺之

缺侶缺世缺神化澹泊缺莫不委骨高於山岳屑淚

多於河海其轉輪迴之苦同缺月缺平等寺缺永平中

造定光缺偽一區高二丈八尺永熙年金塗訖功缺在

寺外未得移缺正屋之邑為缺窟壁屑成戰鬪之塲四

海分崩八紘淪散人物將盡盛缺神缺龍缺先天奉時

缺是虛視缺揚鵲起補西北之虧天紐東南之缺地大

金石錄上

拯蒼生康滋缺自峭函西缺城缺烽缺之缺便使缺齊

衣冠道映將令五禮缺制謀遷協於鄉士卜從日缺克

從大同缺皇缺輦洛缺空缺馳之術無復連驢金馬之

門寧聞待詔荒涼宮室禾黍悲寂寞池臺邱墟流歎祖

日玉野草樹缺走去間缺觀缺洛見缺可神徵屢感莊

嚴具足相好如真若出岫山猶居祇樹時沛運缺隱晦

缺紀缺花缺淨缺遷缺地達人缺道觸物肩缺提覺心

希無上正果躬親致禮遷儻入寺登紀羽林長缺武定

末缺皇帝缺各歷攬周京觀佛缺相查未嘗有身色光

明寶所希妙崇申禮敬廣施軍資增給兵力因缺代缺

非缺石缺周易缺蔓傾缺晴缺駁缺上於缺青苔缺

潭并遊缺積座等形柱於慧禪草莽生缺神留於智缺

因鞠為茂草太宰河陽道大行臺錄尚書事馮翊王高

潤卽缺神武皇帝之稚子缺文襄烈缺武成四缺之缺

璫室分缺林缺氣所膺缺茲英哲可謂峴山之缺美玉

挺生瀛海之中明珠間出缺迥缺崖岸缺梁缺之缺富

學缺平之缺既缺通四氣宣導五光鼎餗由其致和禮

教因之敬洽飛缺致缺而靜聞河德若高缺雨出軍命

將必缺以折衝掠地屠城會諮謀於帷幄王既浮缺苦

海救缺於金缺自推輦專缺奉律治兵餘暇降志元道

鳴缺禮慙駐缺服俄缺中缺之彤缺之落缺用修復割

捨侔於布金窮材磬於方缺匠人單五缺之妙畫缺於

技缺於缺紅梁缺之銀樓等蓬萊之玉闕天衣容裔

颺三缺重偽缺可缺矣缺寺則缺彼崇清路石依城雉

左帶洪陂嵩岳擁其岸靈河缺真奧福田缺行異人慧

缺高德皆通九龍咸曉二禪乃振缺成田高山缺勒缺

道樹徽猷盛事無殞長葉其詞云缺同歸缺師缺空缺

岸須登寶丹宜運劫石期盡肌膚何恠聖帝英主缺是

使缺瓊氣瑤室和精氛氲降祉生此人英缺慧劍既佩試

朱是缺壁丹缺朱扉玉砌青鎖金鋪風鳴韻缺日照津

山仰缺三缺七攬缺問缺山虧一匱海涸三田敦

城周室缺武缺八月十五日刊

億案碑題額經雨溜浸沒粹不可辨今依金石錄推

校知為北齊馮翊王平等寺碑也北史馮翊王潤歷

司徒太尉大司馬司州牧河南道行臺錄尚書事別

封文成郡公太師太宰而碑云捐資崇飾象者太宰

河陽道大行臺錄尚書事馮翊王高潤即神武皇帝

之稚子皆與史合但河南道宜從碑作河陽道此自

史文偶踈耳碑近漫漶獨此幸可識書雜篆隸有古

韻非俗手為之故益可貴也

金石錄上 三

齊吳洛族供佛碑

正書在城內壽聖寺

缺 環

非濟度之珍尸璧豈救

缺 之寶欲取將來之益

郡自莫

缺 於舍施是日為馬無

缺 標名 缺 一尅檀為功

福亦不二今有

缺 弟子吳洛族十五人等竝宿籍

缺 因

洞識超遠居或曉真遊

缺 獨處提妻子不為已物惟以

片善用為家有各率誠心敬造釋迦於勒石像周廻十

堽畫飭悉訖其尊容雜事雕瑩殊異亦可驗之於目觀

更不待言題矣其詞曰泉源浩汗無邊無畔應似而首

診之洪漢邑及誠感誰不詠讚結此微緣除之八難

億 按記石在壽聖寺大殿龕置壁間碑陽皆佛像邊

界少有字如龕作堽象作像杪作杪標作標皆別體

字亟覓人發取之碑陰尙完好書勢尤方勁可喜蓋

為吳洛族十五人造彌勒石像作記記後又有讚其

字飾作飭邊作邊以是斷之决為北齊間物無疑也

齊造像記

正書在縣學

億 案記持一小石為鄉人砌置墻根武丙南訪得之

今移置縣學字欹側漫漶首行齊字可辨餘有正信

佛弟子皆當時俚文不足備錄也

大唐三藏聖教序太宗文皇帝御製

門下錄事臣王行滿書正書在縣學

明倫缺

載以含生四時無形潛寒暑以化物是以窺天

鑑地庸愚皆識其端明陰洞陽賢哲罕窮其數缺天地

苞乎陰陽而易識者缺陰缺乎天地缺以其缺也故知

像顯可徵雖愚不惑形潛莫覩在智猶迷况乎佛道崇

虛缺控寂宏濟萬品缺御十方缺而無下大之則彌於

宇宙細之則攝於毫釐無滅無生歷千劫而不古若隱

若顯運百福缺長今妙道凝元遵之缺知其際缺故知

蠢蠢凡愚區區庸鄙投其旨趣能無疑惑者哉然則天

教之興基乎西土騰漢庭而皎夢照東域而流慈普

分形分跡之時言未馳而成化當常現常之世民仰

而知遵及乎晦影歸真遷儀越世金容掩色不鏡三千

於地然而真教難仰莫能一其緒歸曲學易遵邪正

於焉分辭所以空缺之論或俗習而大小是非之乘缺

時而隆替有元奘法師者法門之領袖也幼懷貞敏早

悟三空之心長契神情先苞四忍之行松風水月未足

比其清華仙露明珠詎能方其朗潤故以智通無類神

測未形超六塵而迥出隻千古而無對凝心缺境悲正

法之陵遲栖慮元門慨深文之缺諫思欲分條辨理廣

彼前聞截偽存真茲後學是以翹心淨土往遊西域乘

危遠邁杖策孤征積雪晨飛塗間失地驚沙夕起空外

迷天萬里山川撥煙霞而進影百重寒暑躡霜缺而前

蹤誠重勞輕求深願遠周遊西宇十有七年窮歷道邦

詢求正教雙林八水味道餐風塵宛鷲峯瞻奇缺異承

至言於光聖受真教於上賢缺曠妙門情窮奧業一乘

五律之道馳驟於心田八藏三篋之文波濤於缺海爰

自所歷之國摠將三藏要文凡六百五十七部譯布中

夏宣揚勝缺引缺西極注法雨於東垂聖教缺而復全

蒼生罪而還福濕火宅之乾焰共拔迷途與愛水之昏

波同臻彼岸是知惡同業墜善以緣昇昇墜之端惟八

所託譬夫桂生高嶺雲露方得沉其華蓮出淥波飛塵

不能汙其葉非蓮性自潔而桂質本貞良由所附者高

則微物不能累所憑者淨則濁類不能沾夫以卉木無

知猶資善而成善况乎人倫有識不緣慶而求慶方真

茲經流施將日月而無窮斯福遐敷與乾坤而永大

皇帝述聖記在春夫宮製顯揚正教非知無以廣其文

崇闡微言非賢莫能定其旨蓋如聖教者諸法之元宗

衆經之軌躅也綜括缺旨遐深極空有之精微缺生滅

之機要詞茂道曠尋之者不缺其源文顯缺幽履之者

莫測其際故知聖慈所被業無善而不臻妙缺所敷缺

而不翦開缺之綱紀宏六度之正教拯九有之塗炭啟三

代之祕局是以名無翼而長飛道無根而永固道名流

慶歷遂古而鎮缺赴感缺而不朽晨鐘夕梵交二音於

缺峯慧日法流轉雙輪缺空寶蓋接翔雲而其飛莊野

春林與天華而合彩伏惟皇帝陛下上缺資福垂供而

治八荒德被黔黎歛衽而朝萬國恩加朽骨石室歸貝

葉之文澤及缺蟲金匱流缺遂使阿褥達水通神甸之

缺嵩之缺寂靡歸心而不通智地元奧感懇誠而遂顯

豈謂重昏之夜燭慧炬缺光火宅之朝降法雨之澤於

是百川缺乎缺湯缺勞堯舜比其聖德者哉元裝法

者夙懷聰令立志夷簡神清齟亂之季體拔浮華之

於十地超六缺迦缺一乘之旨隨機化物以中

華之無質尋缺度之真文遠涉恒河終期滿字頻登雪

嶺缺半珠缺十有缺修通缺典缺貞觀十九年二月六

日奉勅於宏福寺翻譯聖教要文凡六百五十七部宏

大海之法流缺而不竭缺智證之缺人植勝緣何以顯

揚斯旨所謂法相常住齊三光之明我皇福臻同二儀

之固伏見缺製衆缺序照古騰今理缺輕塵缺岳墜露

泰流畧舉大綱以為缺奉顯慶二年歲次丁巳十二月

已卯朔十五日已巳建刻字臣沈道元

唐張開疆供佛碑記正書在縣南府店鎮北河崖上

大唐乾封十二年九月三日佛弟子張開彊尹氏女為父母舊貫絳州樂居潯邑女出事他族遠隔山河抽割衣資敬造阿彌陀像一區願父母兄弟及因緣眷屬永無災郭值佛聞法

唐李義豐造像碑

正書在縣南府店鎮招提寺

咸亨元年十二月二十二日

唐孝敬皇帝獻德記

章草書在縣南景山上俗名太子冢前

朕聞乾象上浮南陸啟黃離之曜坤元下闢東明啟碧題之居稽古前王憲兩儀之大則缺列聖崇貳極之丕

缺以長隆守

缺

永茂承祧膺繼明

缺

藻人文以成務茂

光於載鼎嘉聲表於游雷區分四德之缺具美八繁

之誠其於宏有之矣宏字宣慈高祖神堯皇帝之曾孫

太宗文武聖皇帝之孫朕之元子也緬惟聖系崇高極

天無以文其峻

缺

淼遠浴景無以喻其深

缺

規裳夜月

之楨類馬爵

缺

瑞

缺

浮紫氣開

缺

之

缺

啟高祖屬

缺

鳴

缺

標運躡神嘯之屯

缺

受大命於

缺

宮

缺

氛於野

太宗雲行雨施探炎岳而救焚駕橈乘舟濡沸海而

溺更張天地息龍戰而靜陰陽重懸

缺

象弭麟

缺

而

日月細柳

缺

入堤青銅標珠

缺

鄉

缺

歸正朔

缺

承

聖之崇基續重光之大業幸休徵

缺

洽景歷惟新宇宙

無虞環瀛有截缺玉燭而調四選缺彙昭蘊握金鏡而

朗缺中外禔福缺蒼昊而垂祐缺由缺承魏雲而毓質

戴玉連珠之異相發於髻初注琴銘劔之能道光於缺

始年纔一歲立為代王臯岳崇青缺景風之興象舟缺

益峻缺人之高以缺攸缺命缺春闈習禮秋籥殫藝宮

之奧旨寃肅成之宏缺一物載行九缺允廣延端士納

審論之良箴博採正缺佇缺選之明行畧詮其缺爾其

缺性純缺道缺備缺五起問堅切非缺朕及天后攝衛

微乖則不滿容行不正缺出青宮而視膳悟寢通霄人

紫庭而扇桃纏憂缺日豈止缺必親而已哉此其至孝

缺國字人缺刑慎缺於身後缺金缺而無尤缺召唯

缺龍而載揚此其至仁也承天奉缺貽肅雍之天

缺郊過廟極缺之崇儀缺不情其容缺暗莫移其檢

缺無其缺等缺喻其神望景揣情藏往無以論其缺心

融道鏡應萬像以含幾器韞缺珠苞六合而缺照辨防

年缺訟義出羣以驗長壽之書事獨察此其至明也極

枉茅簷缺為朕海賜以缺佩服以承恩雅淡既隆缺委

褻而從好此其至儉也不邇聲色荷帝乙天性之高載

通有缺中年之量馳騁缺弃之而弗為書劔淺技能之

而弗貴缺範小道恐泥不留聰於異端此其至正也七

門四徹之書牙窮泉極蓬府柏缺之秘缺綻真答考二

典於舛時採德義於羊傳罷搖嶺之風樂缺教六經缺

此其至缺也風之宜正或是非潛申獻替之益朕所

惡者有其善而必揚朕所好者無缺而不缺父有諍子

是之謂歟此其至缺也綿旆葭葦因心之戀已切缺其

孔懷此其至睦也為而不恃缺柱史之妙門異而能齊

體缺之虛室賓實斯混語缺雨缺咸英與林籟同缺衣

與雲霞一致此其至通也缺衆德缺洛陳謨倭太

山而開辨國缺鮑去俎禮不忘於缺申缺臨缺文必申

於造次畋遊寢跡不待燼缺之書道給立身無容設才

之謙雖復缺未稱戴啟之願缺頌斯達朕缺山脫缺

尋真於汾水不飾情於外禪無待咨岳之缺逸已

於中宸自申知子之梗缺圖缺負未述所懷屬炎籥戒

避暑缺及其缺乃申缺性特隆一聞此言因便

感咽伏枕流欷哽絕移時重致綿留遂成忱痼西山之

藥不救東岱之魂吹湯之醫莫返逝川之命上元二年

缺月二十五日既仰謝於姬昌變髮之悲遂俯同於容

傷缺不知至人無愛大道忘情雖慕延陵之通終愴卜

商之感天后心纏積悼痛結深慈想鳳缺朕之至懷不

無違其心許數申舊命爰贈尊名粵以吉辰缺謚為孝

金石錄上

敬皇帝其葬事威儀乃山陵制度以缺天子之禮惟爾

識自生初缺日將月就羣方欽其麗正多士挹其宣猷

愛我極於九重光缺容於四海卑詞降東園之逸高談

接南館之賓缺君之德盛焉缺徵奄促上賓之駕與言

缺往震悼良深朕以其孝於承親恭於事上缺無邊爭

卜葬冀得近侍昭陵申以奉先之禮順其既往之志但

以農星在侯田務方殷重歸爾輔恐有勞廢遂割一已

之慈缺兆人之業缺以為言故賙殮絕於珠璣明器惟

資風木一從本志無奪宿缺即以上元二年八月十九

遷之於景山之原禮也缺樹靡缺無缺風雲之缺鶴歸

缺谷之有遷刊琬琰而垂範式旌德行乃作缺云震

震缺位離景騰輝地浮重海天開少微惟皇取則剏建

儲闈承祧是寄王缺攸歸其運啟圖缺隆先聖丹粉缺

正其研機道缺發遽缺津戈臨缺序籥奏秋旻商巖作

逸其聖苑通賓產藝方遠宣猷日新其禮茂承顏融錫類

愛敬兼極君親一致缺義重缺優游四德績劬撫軍譽

宣監國便坐垂範寢門貽則量湛川冲化敷元默其虛

行承疑崇奉師保望衡辨牘臨缺藻缺靜缺鳴葭縮遊

鷓厨斯啟鮑俎弗羞恭行一物澄汰九流其緬惟釋重

載追前懿爰念少陽將推大位純孝深感聞言哽缺命

未缺其泣元囿風悲畫堂盛今興悼念昔增傷其崇謚

追尊鴻名增册伊洛眺北嵩環卜宅隨擬喬巖瑩圖畢

伯霧凝缺楚煙缺其飛鳳碑空篆鶴駕無追其十

億按碑下截殘泐幾不可辨攷新唐書太子宏傳帝

自製睿德紀刻石陵側卽此碑也其上云宏字宣慈

史於燕王忠太子賢並書字而此獨見遺蓋失紀也

碑石過大摹榻常不易構世旣罕其傳而史遂於書

字亦未之及今賴此碑補之是尤可重也記云年纔

一歲遂立爲代王高宗紀永徽六年封子宏爲代王

不傳若以一歲始封數之自永徽六年至上元二年

也記云卽以上元二年九月九日遷窆於景山之原

據傳惟云葬緱氏攷記墓者多以山原誌其藏示不

易變也然則如此記所云亦爲得其實又顧亭林云

古人主有追封其父兄無尊其子弟者惟秦文公太

子卒賜謚爲靖公唐代宗追謚其弟故齊王倓爲承

天皇帝然於高宗追謚太子宏爲孝僖皇帝顧氏竟

亦失引今以此碑案之并可著其闕也題額與昇仙

太子碑皆飛白書世尤不多見故并著之

唐缺建立經幢記正書永昌元年八月在縣西南高龍

鎮

唐武后昇仙太子廟碑

並銘

章草書在縑山仙君廟

朕聞天地權輿混元黃於元炁陰陽草昧造化於洪
鑪萬品於是資生三才以之肇建然則春榮秋落四時
變寒暑之機玉兔金烏兩曜遞行藏之運是知乾坤至
大不能無傾缺之形日月至明不能免盈虧之數豈若
混成爲盾先二儀以開元兆道標名母萬物而爲稱惟
恍惟惚窈冥超言象之端無去無來寥廓出寰區之外
騁鸞馭鳳昇八景而戲仙庭駕月乘雲驅百靈而朝上
帝元都迴闕玉京爲不死之鄉紫府傍開金闕及長生
之地吸朝霞而飲甘露控白鹿而化青龍魚腹神符已
於涓子管中靈藥方演術於封君從壺公而昇玉
堂召盧敖而赴元闕炎皇少女剩往仙家負局先生來
過吳市或挑烟而長逞或御風而不旋旣化飴以成蜂
亦變枯而生葉費長房之縮地目覽遐荒趙簡子之賓
天親聆廣樂懷中設饌標許彥之奇方座上釣魚呈左
慈之妙技遙昇閣道遠睇平衢鼓琴瑟而駕輜輶出西
關而遊北海登崑崙而一息期汗漫於九垓湘東遺鳥
跡之書濟北致漁山之會拂紅旌於日路飛羽蓋於烟
郊旣入無窮之門還遊無極之野青虬吐甲爰披五嶽
之文丹鳳銜符式受三皇之訣瀨鄉九井漾德水而澄

漪淮南八仙著真圖而闡秘自非天姿拔俗靈骨超凡
豈能訪金錄於元門尋玉皇於碧落者矣昇仙太子者
字子喬周靈王之太子也原夫補天益地之崇基三分
有二之洪業神宗啟胄先承履帝之祥聖孝興源幼表
靈龜之相白魚標於瑞典赤雀降於禎符屈叔譽於三
窮錫師曠以四馬穀洛之闕嚴父申無壅之規而匡救
之誠仙諸切犯顏之諫播石子之懿範顯圖史之芳聲
而靈應難窺冥微罕測紫雲爲蓋見嘉賦於張陵白兒
成質遺神丹於崔子鳳笙流響恒居伊洛之間鶴駕騰
鹿俄陟神仙之路嵩高嶺上雖藉浮邱之迎維氏峯道

冷瑤宮之宴仙冠岌岌表嘉稱於芙蓉右弼崑崙效靈
官於桐柏九丹可挹仍標延壽之城千載方傳尙紀仙
聖之祀辭青宮而歸九府棄蒼震而慕重元無勞羽翼
之功坐致雲霄之賞雖黃庭衆聖未接於末塵紫洞羣
靈豈驟於後乘斯乃騰芳萬古擅美千齡豈與夫松子
陶公同年而語者也我國家先天纂業闢地裁基正八
柱於乾綱紐四維於坤載山鳴鸞驚爰彰受命之祥洛
出圖書式兆興王之運廓提封於百億聲教洽於無垠
被正朔於三千文軌同於有截茫茫宇宙掩沙界以流

疆渺渺寰區籠鐵圍而劃境坐明堂以崇嚴祀大禮攸
陳謁清廟而展因心洪規更闢文山西峙上聳於圓清
武井東流下凝於方濁駢柯連理恒騁異於彤墀九穗
兩岐每呈祥於翠畝神芝吐秀宛成輪蓋之形歷草抽
英還同朔望之侯山車澤馬克勃於郊畿瑞表祥圖洋
溢於中外乾坤交泰陰陽和而風雨調遠肅邇安兵戈
戢而烽燧靜西鷄東鑠已告太平之符鄙黍江茅屢薦
昇平之應而王公卿士百辟羣僚咸詣闕以披誠請登
封而告禪敬陳嚴配之典用展禋宗之儀泥金而叶於
告成瘞玉而騰於茂賞千齡盛禮一日咸申爾乃鳳臺
挑虛既造雲霞之路龍旗拂迴方馳日月之福後殿崇
山先鋒蔽野千乘萬騎鈞陳指靈嶽之前谷邃川停羽
駕陟仙壇之所旣而馳情烟路係想元門遙臨松寢之
前近瞰桂巖之下重巒絕磴空留落景之暉複廟連甍
徒見浮雲之影山屏半毀纔覩昔年之規欄牖全傾更
創今辰之製乃爲子晉重立廟焉仍改號爲昇仙太子
之廟方依福地肇啟仙居開廟後之新基獲藏中之古
劍昆吾挺頰巨闕標名白虹將紫電爭鋒飛景共流雲
競彩去夜驚而除衆毒輕萬戶而却三軍無勞望氣之
至自遇象天之寶巖巖石室紀黃老五千之文赫赫靈

壇披碧洞三元之錄爰於去歲嘗遣內使遶祠雖神祇
 有路隔之言而冥契著潛通之兆遂於此日頻感殊禎
 迢遞雲間聞鳳笙之度響徘徊空裏瞻鶴駕之來儀瑞
 氣氤氳異香芬馥欽承景貺目擊休徵爾其近對緱岑
 遙隣嵩嶺變維城之往廟建儲后之今祠窮工匠之奇
 精傍臨絕壑盡山川之體勢上冠雲霓其地則測景名
 都交風勝壤仰觀元綿天文當太室之邦俯矚黃輿地
 理處均霜之境膏腴宇宙通百越之樓船巨嶮山原控
 八方之車騎危峰切漢德水橫川實天下之樞機極域
 中之壯觀於是捫危盤陟越壑裁基命殿爾而闢庭名

公輸而綴思梅梁瞰迥近架烟霞桂棟臨虛上連日月

應明雲母將烟景而同暉戶挂琉璃共晴天而合色出
 閣乘九霄之表重檐架八景之中湛休水於天池發祥
 花於奇樹珠闕據緱峰之外瑤壇接嵩嶠之隈素女乘
 雲窺步檐而不逮青童駕羽仰層楹而何階茂躅鬱兮
 若生靈儀肅兮如在昔峴山墮淚猶見鉅平之碑襄水
 沈波尚有當陽之碣况乎上賓天帝瑤山之風樂不歸
 下接浮邱洛浦之笙歌斯遠豈可使芳猷懿躅與歲月
 而推遷霞宇星壇共風煙而歇滅廼刊碑勒頌用紀徽
 音庶億載而維新齊兩儀而配久方佇乘龍使者為降

還齡之符駕羽仙人曲垂駐壽之藥使瑤璣叶度玉燭
調時百穀喜於豐年兆庶安於奉俗虔敷短製乃作銘
云

邈矣元始悠哉渾成傍該萬類仰貫三精至神不測大
象難名出入太素驅馳上清其一黃庭仙室丹闕靈臺銀

宮雲合玉樹花開夕遊雲路朝挹霞杯霓旌鬚羽駕
徘徊其二樹基創業遷朝立市四險天中三川地紀白魚

呈呪丹鳥薦祉靈骨仙才芳猷不已其三遐瞻帝系御騰
仙儲遙馳月域高步烟墟名超紫府職邁玉虛飄飄芝

蓋容與雲車其四達參崑崙遺期汗漫金漿玉液霧宮
草扶疏珠林璀璨萬劫兆久二儀何算其五栖心大

道托跡長生三山可陟九轉方成鳧飛鳥影鳳引歌聲
永昇金闕恒遊玉京其六青童素女浮邱赤松位稱桐柏

冠號芙蓉尋真御辯控鶴乘龍高挑雲路輕舉遐踪其七
歲徃年移天長地久霄漢為室烟霞作友舞鶴飛蓋歌

鸞送酒絕跡氛埃芳名不朽其八粵我大周土膺元命補
天立極重光累聖嘉瑞屢臻殊祥疊映歸功蒼昊昇中

表慶其九爰因展禮邇接靈居年載超忽庭宇凋疎更安
珠殿重開玉虛方依翠壁敬勒丹書其十新基建址古劍

騰文鳳笙飛韻鶴駕凌雲休符雜沓嘉瑞氤氳仙儀靡

見逸響空聞

其一

仰聖思元求真懷昔霞軒月殿星宮

霧驛萬載須臾千齡朝夕紀盛德於芳翰勒鴻名於貞

石

其二

聖歷二年歲次己亥六月甲申朔十九日壬寅

建

唐昇仙碑陰上截雜言遊仙篇御製

正書奉宸大夫臣薛曜書

絳宮珠闕敞仙家蜺裳羽旆自凌霞碧落晨飄紫芝蓋

黃庭夕轉綵雲車周旋宇宙殊非遠寫望蓬壺停翠幘

千齡一日未言餘億歲嬰孩誰謂晚逶迤鳳舞時相尚

變轉鸞歌引清唱金漿既取玉杯斟玉酒還用木膏饒

玩迥遊天域排空聊憇息宿志慕三元翹心祈五色

備本

缺

諒難求聖迹奇術秘元猷願

缺

丹

缺

賜靈藥方

期久視御隆周

億

按全唐詩存武后詩四十六篇此雜言獨缺載蓋

石榻尋搜不及故也錄之以備遺脫

唐昇仙碑陰中截

正書

春官尚書檢校內史監修國史上柱國梁王臣三思

光祿大夫行內史上柱國邢國公臣王及善

中大夫守鳳閣侍郎同鳳閣鸞臺平章事上柱國臣蘇

味道

朝散大夫守鳳閣侍郎同鳳閣鸞臺平章事臣魏元忠

銀青光祿大夫守納言上柱國汝陽縣開國男臣狄仁傑

銀青光祿大夫守納言上柱國譙縣開國子臣婁師德
銀青光祿大夫行鸞臺侍郎同鳳閣鸞臺平章事上柱國鄭縣開國子臣楊再思

朝請大夫中天官侍郎同鳳閣鸞臺平章事左控鶴內供奉臣吉頊

勅檢校勅碑使守鳳閣舍人右控鶴內供奉騎都尉臣題御製及建 梁王三思 名臣薛稷書

採石

行洛 來庭縣臣王峻

等名左春坊錄事直鳳閣臣鍾紹京書

億 按此碑陰中截題名諸人多見史傳今攷之新唐

書亦時有漏誤狄仁傑封汝陽縣開國男傳僅言睿宗又封梁國公舍前封爵不書此又字何所指耶是

汝陽開國男宜依碑附書而傳不及為非也楊再思傳封鄭縣侯今碑陰乃作鄭縣開國子然則傳云侯者

亦誤也吉頊在宰相表在久視二年三月甲戌頊始加左控鶴內供奉而頊侍武后從幸當聖歷二年碑

陰已書此攷相王旦刊碑刻石蓋於神龍二年故得續錄其官也豆盧欽望傳帝復位擢尚書左僕射中

宗紀復位當神龍元年下書特進豆盧欽望為尚書右僕射宰相表神龍元年欽望自特進為右僕射紀表與傳書左者皆不符得碑陰證之竟作左僕射此又紀表皆誤而傳為獨得其實又碑云行內侍省掖庭局令據百官志內侍省下其屬局六曰掖庭宮闈奚官內僕內府內坊下並列宮闈局令奚官局令內僕局令內府局令內坊局令不宜獨畧掖庭致其數僅有五與前不符舊唐書有掖庭局令二人推之此碑掖庭局令亦當時設官自宜如此而史或脫也

唐昇仙碑陰下載 正書

神龍二年歲次景午水八月壬申金朔二十一日

木開府儀同三司左千牛衛大將軍上柱國安國

相 旦奉制刊碑刻石為記 案秦古七字後又添水作

從官特進行尚書左僕射兼檢校安國相 府長史平

章軍國重事上柱國芮國公豆盧欽望

從官太中大夫行安國相 府司馬護軍皇甫忠

朝散大夫守安國相 府諮議上柱國邢國公 温

朝議大夫行安國相 府記室參軍事業悅

朝議郎行安國相 府文學常利器

朝議大夫行安國相 府倉曹參軍事辛道瑜

行安國相 府屬常慎感

行安國相 府 邱知幾

行安國相 府典軍邱瓌

行安國相 府典軍魏日新

從安國相 品官行內侍省奚官局令引黎自

安國相 品官行內侍省掖庭局令戴思恭

承議郎行左春坊錄事直鳳閣臣鍾紹京奉勅勒御碑

議郎 司禮寺臣李 勒御書

直營繕監直司韓神感刻御字

各州永昌縣臣朱羅門刻御字

備 備 楷

備 按曾子固跋襄州徧學寺碑碑云鍾紹京書其字

畫妍媚適勁有法誠少與為比然今所見特此碑尙

完今余証之此碑題名亦紹京書而幸完無缺曾氏

未之見也又碑陰諸臣列銜凡王字皆鏤去亦由金

海陵改定封爵置局立限毀抹王字雖墳基碑誌亦

所不免而承事者遂波及於前代石刻則是碑陰亦

當被厄是時矣

唐武后昇中述志碑

金石錄周昇中述志碑武后自撰睿宗書碑極壯偉

立於嵩山之巔其陰鍾紹京書字畫皆工妙政和中國南尹上言請碎其碑詔從之

說嵩引宣政雜錄曰唐武后昇中述志碑在嵩山下政和中國南尹上言請碎其碑詔從之今碎碑在府

店西或曰卽昇中述志碑土人相誠不敢移動予於康熙三十五年丙子歲至碑所觀其制度與嵩陽

聖德碑相類其高大亦相彷彿字爲八分書亦與嵩陽碑無異

億按景氏猶目見碎碑爲八分書今并此亦佚矣

之或備傳疑俟後有攷也

洛州緱氏縣景山鄉蓋聞妙缺雲缺濯海金蓮湛缺惠

今清信弟子缺義令等皓缺孝慈缺心干哀缺崇福

施用展敬捨淨財缺母缺七世先亡造石得圖阿彌像

一鋪今得成願缺功德資蓋缺又爲合家平缺親眷屬

同沾此福先天二年一十二月一十五日建立

億按記石文字皆無可徵惟稱洛州緱氏縣景山鄉

以見當時鄉名如此足爲方志之補也記亦庸兒搜

出與府店招提寺佛座橫勒一造像同自丙午正月

得之

唐徐嶠之碑 佚

金石攷天寶八年李邕撰嶠之季子浩正書 府志引

億按天寶八年年當作載又此碑已久佚今府志收

作存蓋誤於金石經眼錄載溝口頭存者為徐浩碑

非嶠之碑也嶠之碑佚反以為存徐浩碑存反以為

佚皆失檢也

周公祠碑 並序行書在縣學明倫堂朝議
即行偃師縣尉賈大義撰

原夫陰陽不測之謂神變化無窮之謂聖聖也者

圖天地 缺 萬物 缺 不 缺 功神也者探蹟窮冥降 缺

其意 缺 乎元幹運日月齊明振中古之暮猷乾坤

業冠於五代美化流於四國其至也 缺 我為光

輔其逝也薦我為明神所謂有始有終可久可大者

也公字朝明文王之子武王之弟成王之叔父也 缺

聖臣以披 缺 踐祚初開 缺 地宜殷伯以積惠累仁終

翦格天之業 缺 太極而承元吉資中和而誕賢聖知

微 缺 於幼顏繼體分於正氣兵戈已偃西周之歷數

攸歸宅 缺 封東魯之衣冠允集故能勤勞家國翊亮

台衡禮珪璧而拜三壇御冕旒而朝萬寓鷓鴣救其

衰亂狼跋明其終始尊嚴其父孝理也炯誠其子卑

牧也七月艱難陳業也三年征伐叙功也復子寶位

不虧忠敬之誠開我金滕迺得風雷之意於是測四方以定都邑分六職以明缺刑制立缺安上理人則俎豆之法行揖讓之儀作制大樂以和風易俗則和感之音暢舞詠之情宣詳八卦而究精微演六爻而告疑滯所謂極深研精立功成器以為天下利者也敢問元王之憲何以加於缺乎若迺示諸人藏諸用道藝可以激揚今古軌模可以粉澤人倫懸寓煥缺不假一二談也嗟乎天道有盈虛人事有存沒猶使百年黎庶讐缺之威靈四序蒸嘗用君王之典則非天下之至聖孰能與於此哉僊師縣祠堂者按圖經三人懷缺恩所置也負陽岑之巖險面通谷之紆四水以為川二室以為鎮重檐累栱登玉戶而三階洞室迴廊列金楹而四合壽宮缺備物嚴嚴宛若居攝之仁明穆如行化之易簡孝若之徘徊庭廡未足贊其精微靈均之倦劬階除不能訶其恠異易稱王假所以致孝享詩稱天作所以祀王公崇敬則遐邇周臻嘉祥則賢愚共被若迺日之吉辰之良銀峯繡軸溢通莊會舞安歌紛滿堂樽酌奠兮剡桂瓊鏘鳴兮琳瑯下禱戴兮介福上歆馨兮樂康雖盛凝之持戒練心傾惟不怠劉長之去邪歸道拜謁愈勤正

宜聰明於是乎 缺 以癸丑秋末迄於甲寅夏首西郊

不雨南畝亢陽八溪以 缺 渚濱河罕植青草九重以

握珪沉璧屢 缺 華闕 缺 無鶴立之微田夫有狼顧之

懼尹上柱國武威縣開國子隴西李傑山河間氣廊

廟宏材允四海之具瞻裁三川之景化西京佇潤稍

缺 分陝之郊東都思理再臨惟洛之邑奸豪懲而延

滯剖鯨寡悅而禮義行意澤布獲頌聲洋溢正議夫

夫行少尹護軍彭城劉禎正議大夫行少尹上柱國

博陵縣開國男崔元祐並星象之奇衣冠之秀

經國六藝襲於班揚 缺 以匡時令聖昇於臺閣

才終踐公侯之望朝請大夫行令博陽縣開國男彭

城劉體微金業之門上善通賢之量歷霜臺之鯁直

聞雷邑之風 缺 立義 缺 欺兼並自息通直郎行丞王

鈍朝議郎行主簿李循古承議郎行尉崔延祚無不

珪璋比德麟鳳成文藏用於東畿安卑於西亳咸以

分官濟俗共理經邦欽若皇情特憐黔首吁嗟廟 缺

申至理之馨香祥起靈壇奠明祈之蘋 缺 誠敬如在

神聽無違言未畢而布油雲禮未終而澍甘液三農有

慶八政 缺 而家邦可制非聖人之利物豈能與於此者

是有黃髮兒齒之徒相與而稱曰昔文翁以化漸蜀川
 猶存古廟子產以政行鄭國尙列遺祠况乎道息均兩
 儀神缺庇萬代而頌章斯缺盛事莫傳蒙少泰青襟晚
 紆黃綬勤誠不夢豈吾道之將衰遊缺難宣冀斯文之
 未喪頌曰

伊太初兮惟混惟茫暨中古兮無制無防大忠勤國兮
 輔我君王至道被物兮明缺典章乾坤可測兮陰陽會
 合威儀不差兮禮樂鏗鏘上憲缺兮先靈如在缺下人蒙
 庇兮遺惠不忘春夏炎赫兮銷流金石官寮祈請兮拜
 伏壇場神聽之兮密霖已灑人賴之兮靈雨其霖喜大
 田之多稼望高廩之盈倉羞蘋蘩於祭禮建碑頌於祠
 松栢森沉兮歲久煙霞缺兮山荒謁明神於此地降
 之穰穰

大唐開元二年歲次甲寅十二月甲寅朔五日戊午建

上柱國子缺仙鶴勒

億按碑所載偃師縣祠缺者按圖經云後人懷缺恩
 所置也負陽岑之巖險面通谷之縈紆其文述祠之
 始末基宇略可推見如此仰蓋記首陽舊有周公廟
 世隆欲以太原功比周公故立此廟廟成爲火所焚
 今是碑舊在縣西之石橋堡石橋與首陽比近碑亦

云負陽岑則祠卽爾朱時所營造由其廟焚以後唐猶依其故址也碑又云以癸丑秋未迄於甲寅夏首西郊不雨南畝亢陽按新唐書元宗紀開元二年五月壬午以關內旱求直諫云據此則東都亦旱矣史文或有缺記也五行志開元二年春大旱按碑云癸丑秋未迄於甲寅夏首則早已隔歲其僅一春旱也文內有云公諱旦字朝明公字他書皆無聞獨見於唐碑疑皆後人附會之詞不足據今府志採入謂補史傳之闕蓋失斟也

唐 缺 銀青光祿大夫 缺 銘 并序八分書在 縣學明倫堂

平陽侯子孫家焉祖遠雄武軍 缺 平陽侯武又十五 缺多大略徵晉昌令不就缺高量累辭辟命沒謚真隱先生禮 缺 德未享是用有後公 缺氣降虛明之神清暢條理美 缺 雅閑秀詞學優深操行無玷 缺不徇速達年三十鄉貢進士對策上第其年解褐榮澤主簿缺師尉明堂尉閔鄉令秩滿受詔關內覆囚旋擢右臺殿缺侍御史轉庫部吏部二員外郎又內艱哀毀過禮服闋除禮部功二郎中遷給事中中書舍人策勛上柱國除大理少卿出為虢州刺史復大理少卿遷工部侍郎又出為宛

州都督入拜衛尉少卿復工部侍郎又出爲蒲州刺史入拜太子右庶子遷太子賓客累加封嶽縣開國男食邑五百戶凡所歷官咸著成績皆任官以祐物不激譽而干進休名自著僉舉允諧喪仲弟哀感成疾以開元十三年九月二十五日薨於東都審教里第春秋七十八粵以開元十四年歲次景寅十一月乙亥朔十六日庚寅葬於偃師縣龍池鄉之北原祔先塋禮也惟公平乎中庸樂在名教體忘悔吝德全終始者朝廷蓋人而已又嘗著中道通教二論註周易撰三傳通誌廿卷內經藥類四卷合新舊本草十卷並行於代

至永懷揚名乃刊石勒銘以誌幽宅其辭曰

盛息之後兮實生哲人文義博暢兮志業清純孚政光國兮懋寵榮觀立言不朽兮全道歸真

億

按誌石出土爲鄉人鎚其一角今官闕卒葬年月

皆具獨姓氏利缺竟不可識余以文証之有云洎十

葉有漢大將軍棘蒲侯武據漢書功臣表棘蒲剛侯

陳武文帝紀三年以棘蒲侯柴武爲大將軍臣瓚曰

漢帝年紀爲陳武此云柴武爲有二姓誌所關姓氏

當亦不出此後又載著中道通教二論注周易撰三

傳通志二十卷集內經藥類四卷合新舊本草十卷而唐志皆未著錄蓋言之不可恃如此

唐左驍衛大將軍趙元禮碑 佚

金石攷開元十五年潘肅撰陸堅八分書 府志引

唐劉光等建立經幢記 正書開元二十七年
在縣西南經周村

唐萬年令徐昕碑 佚

金石攷大歷四年韓雲卿撰韓擇木八分書李陽本

篆 府志引

唐故贈太保張公神道碑 八分書在縣
西南經周寨

嗚乎生 哀可極也 公諱延賞字延賞

人漢 王申承相張公薨 書中書令 都謚曰恭

光輔 開元之理必 臣器公而薦 名寶符元宗

召見奇之 恭肅之 大 德深於知 申 好又山

北都公 兼 尹定入學中 節 書建中 輩

封 時都邑 倚重 攷 仍須 羣心 聽 相

之化時情所 弔 尊有加 護喪事 聞 沅云尔

太 繁 知禁德禮 如東周之理其在荆楚 愛成

頒皆因俗施政 中其 叔山甫成中興 山嶽斯可

謂沒而不朽 天詩云 盡之孝遺令薄葬布衣瓦器

終 悉 天之太師 及皆少實錄其詳則相詔書

歷道碑誌及缺備太子缺軒轅缺皇天太保詞烈克

光前缺濟艱難缺思周愛甘棠荆淚空碑况缺山缺兮

缺內將官馬瞻刻字並摹勒

億按碑列缺甚前人皆未收及近韓太初始訪得之

其文略可成句有貞元三年秋七月丞相張公薨於

位與新唐書德宗紀宰相表並合又載公諱延賞字

延賞按本傳延賞初名寶符賜名曰延賞今碑下截

寶符字完好其云思恭肅之德錫茲嘉名即其事也

然傳不言字延賞又延賞生平歷官碑字僅可見有

入拜給事中又有歷御史中丞證之史文亦不遺此

碑云以公力竭誠追封魏國公則有所未及此亦

補史之疎也碑言遺令薄葬以布衣瓦器可謂儉

而中禮者矣

唐故贈太保張公神道碑陰正書

缺拜殿中侍御史四遷中書舍人歷工部缺大夫缺至

右補闕主客員外郎有高文至性不幸缺纂集其刻於

右方以備遺闕禮缺慶二年土壤咸闢三年家缺於室

變邱墟為閭里散災稜為和缺軍缺十省其五郡邑資

儲三蠲其缺歸揚子七縣之衝也列為小缺未逾周月

如有二天化洽數州缺當歸作旱歲之霖今公缺舉正

色而羣心服邊鎮缺剗木為舟用五行潤下之功息缺

而速性命之際融正氣以發缺今而親臨再相天地之

宜三秉缺置典刑士吏自清乃設堤防禁遏缺大化以

缺朝執意專贊皇猷河南缺有缺轂焚蔬人化於公缺

公興其教我箱千斯揚州精缺政均滔滔蜀江來自天

缺師旋弛張柵不戰缺弼留授鉞又命富人

億按新唐書延賞傳大歷初除河南尹諸道營田副

使河洛當兵衝邑里墟榛延賞政儉約輕徭賦疏河

渠築宮廟數年流庸歸附都闕完雄碑河南銘即

其事又出為淮南節度使歲旱民他遷更禁之延賞

曰食者人恃以活拘此而斃不如適彼而生苟存君

人何限為乃具舟遺之勅吏為修室廬已遭僭而歸

者更增於舊瓜步舟艫津湊而遙繫江南延賞請度

屬揚州自是行無稽塞碑前第九行作旱歲之霖當

即指此又累拜荆南劍南西川節度使成都自楊國

忠討南蠻三屬疲罄及乘輿臨狩糜用百出後更郭

英又崔寧楊子琳亂益藉僭公私蕭然延賞事為之

制薄入謹出府庫遂實碑第十八行滔滔蜀江一段

當即指此史稱延賞更四鎮所至民頌其愛今銘已

有其三信不誣也

大唐贈太子少師徐府君之碑

正書在縣學明倫堂朝議郎守河南少尹飛騎

射賜緋魚袋張式撰次子缺書缺篆額

惟天陰隲下土恢宏相導降聖啟運生賢佑時猶三光

五行晷度盈缺之無僭候也當元宗開元後景化昭融

選建明德大旌文學肅宗嗣位首革艱運方用大刑盪

缺則武功缺今上纂丕圖泰任二柄以康兆億會稽公

歷奉四后周旋五紀各因其會振耀長才有缺皇猷之

缺納缺之直缺流之缺威懷缺之重故外統缺開國承

家分缺所不至者未昇鼎司儒流展用亦已厚矣公姓

徐氏諱浩字季海東海鄉人隋杭州錢塘縣令澄之

孫早朝人隴縣尉贈吏部侍郎師道之孫銀青光

祿大夫缺州刺史贈缺散騎常侍嶠之之子稟命於天

稟訓於先稟氣於山川國器斯全輔之沆研無得而缺

鬱為通賢年十五究經術首科昇缺始缺汝州魯山缺

時論稱之無何缺賢缺大學士燕國公說缺之滄溟缺

代宗師嘗覽公應制喜雨賦及五色鴿賦兼和御製等詩

日後進之英令知所在賞缺為上聞賜依聲播於樂

府缺翼而飛遽缺是愛其才缺其用始終缺之進太子

校書集賢殿待詔改鞏縣尉尋拜右拾遺張守珪之節

制幽薊恩冠諸侯欽承盛名持缺幕賓陳乞優遂其請

缺常侍府君憂服除補京兆府司缺泰軍缺茶蓼缺濱

於缺無復宦情既缺逾年忽從親故之論起就常調授

河南府司錄轉河陽令先是有曖昧疑獄繫囚六十人

公下車鏡照一夫缺塵缺猶缺熙熙如也桐鄉遺愛碑

缺東都留守缺辟從其事有河清俚人偽作符命埋深

谿而表異滋拱木以徵年然後假獻歲之辰矯元元之

詔缺得之缺之缺矣缺祚聖難以缺說於聽聞史筆方

裁缺公明徵篆缺立辯乖訛正大謬於已然折羣言於

獨缺既而致詰悉驗其姦遷金部員外郎轉缺官郎缺

求成俗事多詐缺吏缺亦缺信義必行於夷獠廉平可

動缺鬼神五嶺百越頌聲四合同諧方面請建旌德碑

都督張九臯為之飛章朝議以為主聖臣忠缺人到於

今歌之轉刑部郎兼司農缺兵部缺始禍寓縣興師公

以官在職司志當靖亂馳驛詣闕陳謨納忠度向背於

兵鋒筭隄防於地理慮缺物缺天子缺大任缺忌害缺

刺史建旆即路缺情之寤念剪桐之缺信缺剖竹之非

輕乃加本州防禦使賜金印紫綬及京師失守翠輦西巡

成都築受養之宮缺之制缺公詣行在所拜中書舍人

集賢殿缺時鑾輿缺詔急缺尤資倚缺之能多類奮鞭

之速公虔恭法缺尺天顏缺管風生落歲泉酒皆如缺

卷二十七 金石錄上

特邁缺上其才謂缺官尚書右丞封會稽縣開國缺

喪亂既平皇極反正輔宣天子之孝奉揚君父之慈元

宗降孝感光缺之誥肅宗缺至道缺之缺宮之缺三接

缺恩獨以缺文缺前代文缺之盛缺可儔其類歟當時

以陷賊衣冠正名同惡百辟會議三司定刑其徒三千

將置重典公上引大易三驅缺惟輕之義缺於輦轂太

缺唯罪幽人越缺議誅元惡而缺國章有素故事斯在

詞簡理要端如貫珠百寮傾聽無復異論廷諍三進缺

獲減論李輔國憑寵恃勲台臣缺有命將授左散騎官

侍缺公敷陳敗由官邪名不可假登缺之地從顧問

授非其人期不奉制有命改授大詹事且曰將來命官

若此者皆許以聞然蹇諤之誠幸伸於一缺而浸潤之

譖缺中於多缺除國子祭酒遂貶廬州長史代宗踐祚

公論勃興缺復中書舍人加銀青光祿大夫集賢殿學

士副知院事尋遷工部侍郎楊脊微病久政缺於南海

馮崇道陰缺盜據新缺公缺拜嶺南道節度觀察等使

兼御史大夫公折簡飛書先明大信順流鼓缺以示不

疑見書者皆曰此選補徐郎中之名也父母至矣復何

所缺既而缺巖洞以請命缺祥風蕩其缺後缺求平有

吏部之拜復兼集賢學士嘗領東都選務鈇第舉科凡

百其流狀奇者一人而已此居宰輔缺餘年卽缺相缺

公其人焉洞鑒深識皆此類也而玉缺德缺掩缺執法

者所繩又黜缺州別駕皇上登寶位徵拜彭王傅加會

稽郡開國公食邑二千戶親風儀之可法惜春秋之已

暮缺以論道之缺之其明年薨於長安缺寧理之享齡

八十告第加等贈太子少師缺焉公理義之興中租所

蘊智周顯晦行茂家邦班固謂缺仲缺公孫宏倪寬以

儒術通世務缺魏於前賢先府君擅書嘗授筆法缺保

開元天寶之間傾玉帛刻琬琰者一門二妙兩已議缺

憂劣以王右軍父子擬焉始自登朝缺為中書令張

我吹噓所以累登石渠再踐西缺入更臺省出擁旌

旄九遷而碩望彌高三黜而輕痕不汙賓實本未信中

庸之君子歟公以建中三年四月二十五日缺以其年

十一月葬於東都偃師縣先塋之左缺淚貞元十五年

罷宰王畿之新安璫為缺府法曹掾璫玟舉進士未

第伯仲之存者四人現嘗以家傳遺文俛叙其志曰史

藏諸府墓阪間於幽缺惟世隱缺楸未表紀功行於

金石標缺百代朝廷缺無恨缺有干戈之故家有缺之

戚缺願未就垂二十年辭將涕從禮以情激則聖人所

金石錄上

謂揚名於後代以顯父母者揚已之美與揚親之美俱
孝子也其缺先缺顧缺寂之請缺之効銘曰東南有缺

強霸者越中蟠會稽旁浸海浙含風蘊玉浴日孕月
合粹靈氣生才哲才哲伊何惟會稽公克缺克缺忠

種缺宏謀王謝高風實探其奧實缺其缺其缺直隆邁温
重威儀柳缺乃辯姦諂羣疑去惑載讞典刑刀鋸滅息

內外變踐卑高稱職績著缺細愛留邦國其會稽之文
代天為言藻繪皇猷恢宏缺化缺和變缺澤伸寬遂

缺宣明日月贊翊乾坤敷暢大號親親尊尊草隸兼善
鍾張抗論一臺二妙獨耀吾門其會稽之武非謂暴虐

以代起推誠缺揮翰翰墨所經人骨輯寧其會稽
之終翰墨其空宸辰軫悼邦人輟春楷模遺革景行中

肅大雅道喪誰其發蒙我周之東天地之中邛洛缺背
會通故塋勒石播德悠悠不窮其貞元十五年歲次

已卯十一月辛丑朔廿四日缺建表姪前河南府叅軍
億按碑刻缺不完今依其可見者云浩東海鄉人攷

唐書浩本傳作越州人地理志鄉雖屬越然遠以越
概包之鄉縣不若此碑為紀實也碑書其上世有隋

杭州錢塘縣令澄之元孫皇朝逸人缺敬之曾孫缺

州九隴縣尉贈吏部侍郎師道之孫銀青光祿大夫
 洺州刺史嶠之之子地里志九隴屬彭州此碑州字
 上缺字宜作彭碑叙浩歷官有進太子校書集賢殿
 待詔改鞏縣尉尋拜右拾遺傳既不悉載而下遂云
 進監察御史裏行辟幽州張守珪幕府歷河陽令以
 碑證之張守珪陳乞優遂其請進監察御史授河南
 府司錄轉河陽令則進監察御史在應辟以後而傳
 書在前又不言授司錄皆史文之疎也碑又叙遷金
 部員外轉都官郎中缺有嶺南請建旌德碑與史
 南選補使合下又叙轉刑部郎兼司農少卿又轉
 吏部缺幽澗始禍寓縣興師加本州防禦使賜金印
 紫綬缺拜中書舍人集賢兼尚書右丞封會稽縣開
 國缺代宗踐祚缺中書舍人加銀青光祿大夫集賢
 殿學士別知院事尋遷工部侍郎又拜嶺南道節度
 觀察等使兼御史大夫云云以較本傳亦詳略互異
 碑又云始自登朝為中書令張曲江所器而傳惟云
 張說稱其才曲江之於燕公並有見知之譽獨載燕
 公何也碑後題銜表姪前河南府叅軍張平叔題諱
 顧嘉林記顏氏家廟碑云今人自述先人行狀而使
 他人填諱非古按此則唐人已有了矣

府志引金石攷貞元十五年張式撰次子峴書今碑

列峴書者已列缺

唐贈太傅董公神道碑

行書在縣西南經周寨缺節度副大使知節度事缺內汴州諸

軍事兼汴州缺上柱國隴西郡開國公贈太傅缺朝議郎守中書缺皇太子侍書正缺

漢興五代孝武思理膠西相陳天人之際王道缺重承

衛之崇啓心宣方作率卿士陟恪宗工能續其列公缺

初肅宗受端命以合兵車思欲去缺於湯缺視缺禾章

宗御天下缺為文寧彌綸陪缺奉常缺今上建缺修

紀思代天工俾憲方缺章缺居五缺禮缺遷兵部分

正宏缺節度汴宋亳穎等州觀察缺五年二月丁丑

優之也初公以缺部郎為出疆從事北方缺之

勇沛然餘力其為太府未浹日而理乃弭貂缺相使於

北河其往也薊門不開山東缺壘習俗缺謀因以斨沒

憑軼有缺扈缺蹕而旋益缺而不缺贖其為相也缺戴

拜章八上然後得請其撫封缺陳缺前不可悉數缺

為陳留缺郊也非缺長城缺蘊在雲府悍將鄰諸缺代

一邦之人得缺而缺而缺諸侯自膠西缺浦王簿缺

而缺遺缺文學行義克缺人京兆缺

億按碑中截剝蝕文斷已不屬韓太初得張太保碑

因附石有此碑質之於余余命及門李於岸摹榻以

歸就其中可尋釋者攷之斷其爲董晉也碑載肅宗受端命以合兵車思欲去元元之湯火下有視草及采章等字唐書本傳肅宗幸彭原上書行在拜秘書省校書郎待制翰林蓋謂此也碑載代宗御天下乃清吏職以爲文憲彌綸下有奉常字攷舊書晉本傳歷秘書太府太常少卿又云德宗嗣位改太常卿韓文公集董公行狀遷秘書少監歷太府太常二寺亞卿下又云又爲太常卿今奉常卽太常也碑與行狀合惟本傳言德宗立授太府卿而不及太常此宜以碑爲詳者也碑載今上建皇極以修人紀思代天工

下平章字又有居五年除禮部尙書字遷兵部字分正字節度汴宋亳穎等州觀察處等字本傳貞元五年以門下侍郎同中書門下平章事又云罷爲禮部尙書以兵部尙書爲東都留守皆與碑合惟汴宋亳穎觀察處置等使史畧而不書舊書惟言汴宋亦不及亳穎亦惟碑獨與行狀符也碑載十五年二月丁丑公薨於位行狀亦云十五年二月三日薨於位碑又載初公以禮部郎爲出疆從事卽傳所謂李涵持節送崇徽公主於回紇署晉判官其事同碑又載以祭酒亞相使於北河其往也薊門不開山東多

壘即傳所謂改國子祭酒宣慰恒州其事同碑載拜
章八上然後得請即行狀所云退以表辭者八方許
之而傳又不及此又宜以碑補也碑在府志以為佚
不可得又入洛陽內今以韓君嘉事故余得收而誌
之以正方志之疎並使太傅墓地亦有聞於後豈非
幸哉金石攷定此碑為權德輿撰而書尤險勁惜莫
存其名按題銜有皇太子侍書碑載貞元十五年字
則碑為石刻建立又在十五年後矣時已去順宗卽
位不遠王伾嘗為太子侍書蓋卽其人也

唐右僕射王光謙碑

金石攷貞元二十九年 府志引

唐故左拾遺內供奉贈使持節舒州諸軍事舒州刺史

寶府君神道碑 朝議即侍御史內供奉上護軍太山
羊士諤撰第十一姪朝議郎尚書右

司員外郎
易直書

有唐左拾遺贈使持節舒州諸軍事舒州刺史 寶公

洎夫人汝南袁氏繼室贈 太君元和二年秋八月十

七日 丹揚 金山克葬於河南之偃師北 慶 名

凜然 東階之 以 先大夫之家傳虔展於 府君

之 敢藉其不攷之 然用刻 旂者 居平陵

於漢 芴多元侯上將亦 河都公 代祖紹左武

衛大將軍改封荏平公高祖善缺郡守缺平孝缺同昌

馬建節拖紳偃風變俗缺必缺歲以文缺一方秉中符

問缺游於建缺安定缺南陵縣缺帶本官缺祖缺賓階

缺移缺辟都缺書缺雅缺魏之使缺取缺歸厚於公缺

難既缺是徵拜左拾遺內供奉缺謀泉奉缺而缺風行

雍容缺侯缺於權臣申缺二三缺疾於權臣歿於京口

缺文集七卷缺諸子曰常內供奉賜緋魚袋湖南都

練使次曰牟缺御史賜紫金魚袋次日庠殿中丞侍御

史內供奉鎮海缺次日輩缺德宗克念遺賢中丞以

卧龍之姿遇缺爰缺璽書急徵宣室缺拜左拾遺遂

缺御史簡自上心三遷膳部員外郎守唐州刺史

兵部缺御史中丞缺節度副使真拜吏部郎中乃執

邦憲其間當先當朝缺今上嗣位國有大慶家延寵光

推恩王明缺慎終追遠盡在於中憲乎銘曰

猗與君侯宣方諫臣沃心無隱重質而文賡歌柏梁缺

接武泉神化綱繆言責其道屈伸斯人損益盡忠稱職

事光運迫令嗣執憲三朝匪躬缺嗟後昆觀德無窮元

和十三年歲次戊子十月巳酉朔五日癸丑

億按碑漫滅又以字畫纖瘦蓋難尋識近用細灰墁

其上乃粗可讀今所存有云扶風寶公洎夫人汝南

袁氏繼室贈臨汝太君 缺 元和二年秋八月十七日

缺 破殯自丹陽郡克葬於河南之偃師 缺 下有河郡

公三字 缺 代祖紹左武衛大將軍改封荏平公數字

獨完好質之新唐書世系表寶武之後又有敬遠封

西河公 昌黎集寶年墓誌銘六 今碑河郡公即西河

公敬遠也於牟為六代祖於叔向當為五代碑代祖

上缺一字當作四代下文又有高祖字始於叔向推

為四代則紹非四代也疑缺字仍作五代而西河公

於叔向乃六代文公誌寶牟墓或因其家譜狀有六

代祖之文 訛書 以牟為斷非也紹為左武衛大將軍

改封為荏平公表既不載紹惟云敬遠孫善衡左衛

將軍襲西河公以下兩世並言襲公以碑證之紹既

改封荏平則善衡以逮子孫皆當襲荏平且碑書高

祖善衡衡字僅存於旁又有郡守字及荏平字 缺 下

乃云考印同昌郡司馬是碑已言襲荏平矣今表作

襲西河又善衡依碑當為高祖而表亦作曾祖史家

謬誤皆此類也叔向始末尙有可見者云疾於權臣

歿於京口文集七卷數句下載諸子曰常內供奉賜

緋魚袋湖南都團練使常本傳但言杜祐鎮淮南署

為參謀歷朗夔江撫四州刺史次日牟 缺 御史賜紫

金魚袋傳亦不言為御史舊唐書但言賜緋其不載
為御史與新書同次日庠殿中丞侍御史內供奉鎮
數字皆全寶牟墓誌庠三佐太府庠本傳終婺州刺
史而表云漳登信婺四州刺史舊書惟言澤州不及
漳州傳表不同必有
一詳略較異然於碑所云者皆遺不見錄此史之疎
也次日鞏殘脫無文惟羣名位官闕獨備為羊士諤
書者第十一姪朝議郎尚書右司員外郎名列缺依
稀似易直字易直見本傳而表云易直字宗元相穆
敬即其人士謬為羣所引為御史故於羣稱述頗詳
有以也

武登碑佚

通志金石略江陰縣令武登碑長慶三年在西京天
下金石志武登碑子儒衡撰並書在偃師府志引

唐重修昇仙太子廟碑佚

金石攷太和四年重修碑行書府志引

唐歙州刺史邢羣墓銘佚

金石攷太和佚年杜牧之撰府志引

唐贈太師崔公神道碑佚

太師諱陞字平仲清河東武城人太公望既封於營邱
子伋嗣侯伋之孫曰穆伯食邑於崔遂以為氏後十四

世至秦末東萊侯意如東萊之子伯基始居清河又十
五葉生琰為魏名臣又九葉生休仕後魏為七兵部尚
書七兵之弟曰寅為樂安太守公即樂安八代孫始以

開闕授

舊本作稱

鄭州叅軍力行好學於子道以孝聞處伯

仲間以友聞讀易至編絕以精易聞至德中時有邊警

從師出征公少有奇志思越拘攣以自奮乃作伐鯨鯢

賦以獻既上聞果器之會第五丞相以善言利得幸盡

付利權始有鹽錢使之官

舊志作目

慎選僚屬表公為臨汾

臨晉縣丞處煩應卒銜又不頓再遷至大唐評事

大子

當作

府罷歷河中府司隸叅軍太子局議郎韓晉公

戶部侍郎掌邦賦惡於用才薦公為監察御史至河

東租庸之務尋轉殿中侍御史復遷侍御史充京東和

羅使建中初德宗始親萬幾儲精治本有漢宣與我共

此之歎謂史臣求可當二千石良者遂以公帶本官權

知表州刺史期月有成詔書顯揚就加其秩益以金紫

居無何韓晉公為丞相制國用思公前績乃傳召之抵

京師授檢校戶部郎中輯池鹽於蒲修牢益謹衡石煎

和既精節散乃盈商通而游至吏懼而循法民不絀綱

而國用益饒歲杪會其所入羸羨什伯詔下褒其能轉

吏部侍郎兼御史中丞且加五等之爵方倚以重任天

富其才而不遺其福享齡六十有五貞元七年二月二日構疾卒於官上聞悼之卽降愍策贈鄭州刺史齋錢五百萬以備飾終之禮明年八月二日返葬於成周之偃師從世墓也夫人隴西李氏汾州司戶參軍咸一之女生才子六人長曰邠及公時已爲左拾遺後至太常卿次曰鄴至外臺尙書次曰郇今爲廷尉次曰鄧至太守卿次曰鄩至執金吾季曰鄩自太常卿加同中書門下平章事今爲尙書侍郎平章事如故惟夫人爲姑臧冠族以蘋繁組紉輔佐君子爲令妻積三十餘年以慈儉忠厚訓誡諸子爲賢母二十有三年當承貞之初順

階遂上疏乞移榮於親上俞之時封清河郡太君士林聳其皆自痛其不及邠爲太常鄩爲太農咸白髮貴綬以奉膳羞諸季皆翩翩人傑各以簪裾給事左右愉愉然承順無違鼎鐘致養居然一室雍熙太和言世榮者舉無以比以子貴累封贈至京國太夫人元和八年三月十六日捐館舍壽七十有九是歲十月十八日合祔焉太常及尙書暨今相國皆自書舍人爲禮部侍郎凡五貢賢能書得士百四十有八人言兄弟者許爲人瑞崔氏之門六人皆入南宮賜金紫其間三人歷入侍

郎統而論四卿一相兩連率二翰林學士一執金吾言
冠冕者許爲世雄與姑臧李范楊盧世爲婚媾入於婚
黨無第二流言門閥者許爲時表太常二子亦以才能
同入尙書璜爲吏部郎瓘爲司勳郎其他支孫未登金
闈籍者洗洗然魚貫而進文業甚富而孝謹不衰猗歟
君子之澤其所從來遠而有永已嗣成已未歲七月甲
辰相君受詔於朝廷始操國柄冬仲月奉常事於家禮
成起慕悄然永懷曰古者卿大夫廟有鼎墓有碑皆銘
之以紀先德也今備位宰相敢不敬前人之耿光乃俾
家老條白事功資於學古者徵其詞尚信也又命宗祝
卜桑日告於廟盡誠也儀甚備而敬有餘斯所謂達禮
之君子遂刊勒如式揭於道周銘曰
奕奕四姓崔爲之冠瞻其門墻倬若雲漢善積家肥子
孫多才如彼棖棟必生徂徠太公之後彌三十祀纍如
貫珠倬見圖史顯允太師丕承德基構於其堂亦旣暨
茨生蓬蘽虞中外交師獻賦伐叛忠存乎詞兵興事藂
飛輓四馳歷踐職劇視險如夷乃至平糴乃分符使治
粟爲邦其道一致蒲實近地鹽爲利泓使車來思剡弊
立程吏廉商通歲倍其贏奏課連最德音張明孰如執
法好爵兼榮天付之才不與壽並生樹德本歿揚淑聲

里巷罷春音樂為停贈襚之禮冠於公卿萬石則謂根
 於孝友太公種德乃稔身後家有令子妻為書序二十
 餘年人倫之首六子來侍如龍如虎眾婦來饋維筐及
 簪佩玉鳴環交響庭戶申申秩秩歡不踰矩昔為望族
 今為德門天爵人爵蔚然兩尊先德陰騭如垂雲孕
 和合粹濯潤本根景毫之原圖書之川湯陵帝壇磅礪
 迴環世安其神世嗣其賢聆德音者拜於碑前

金石文字記崔陞碑劉禹錫撰柳公權正書會昌元年

五月在偃師

德按文苑英華作權德輿撰今顧氏作劉禹錫撰顧氏所見石刻宜依為正

德按碑見金石文字記是顧猶觀搨本也其亡不知

於何時當為土人挪置埋沒耳碑全文載縣志以新

唐書崔邠傳証之父陞三世一變當時言治家者推
 其法至德初獻賦行在肅宗與其文即碑云作伐鯨鯢
 賦以獻者也又傳言位吏部侍郎宰相世系表言陞
 御史中丞與碑轉吏部侍郎兼御史中丞合而舊唐
 書邠本傳父陞官卑按此碑已位侍郎中丞為正四
 品官不為卑矣陞卒於貞元七年二月明年八月返
 葬成周之偃師從世墓也然則崔氏瑩域居此久矣
 宜其子孫皆附葬也碑首言彼之孫曰穆伯食邑於
 崔遂以為氏宰相世系表齊丁公伋嫡子季子讓國

叔乙食采於崔遂為崔氏與碑所稱穆伯差隔一世
碑言十四世至秦末東萊侯意如表云十五世孫意
如為秦大夫亦不相符碑言生才子六人長曰郟次
曰郟次曰郟次曰郟季曰郟今表以郟次在
邠下又多邠郟二人則為八子矣此皆宜以碑正者
也

唐贈太尉李固言碑

金石攷大中六年

按李固言見新唐書固言以太子太傅分司東都
卒年七十八贈太尉與碑題合撰文李珣亦見新唐書
云開成中楊嗣復得君引珣同中書門下平章事李
固言皆善宜其為之詞也

後魏洛州刺史侍中兼太師昌黎馮王新廟碑 正書在縣西三十里舖北十二代孫鄉貢進士元德述

弟進士元度篆額弟進士元錫書

王諱熙字晉昌冀州長樂人也伯祖諱跋建國北燕傳
位於昭成皇帝諱宏即王之烈祖也魏太武帝滅北燕
徙其家屬於代王以帝者子孫遂交婚於魏室魏文成
帝納王妹為后即文明太后是也王尚博陵長公主以
敦慎博愛歷事三朝累拜冠軍將軍侍中中書監太傅
太師之任進爵昌黎王及魏孝文帝即位前後取王三

女且二爲后一爲昭儀文明太后臨朝王以師傅之重寵極禁壺內不自安求外任爲洛州刺史侍中太師如故洛陽經永嘉大亂之後官寺毀廢王爲政任恕而酷信釋教凡出俸祿於諸州鎮建佛圖精舍合七十二處今之廟地舊建北邙寺乃其一也今佛圖基址尙存其寺碑文中書侍郎賈元壽所製孝文每登寺讀碑嘉歎不已後徵歸代遇疾而薨屬遷居洛京遠詔有司爲辦喪事公主先薨命開其墓並二柩俱向伊洛皇太子赴代迎弔將葬贈假黃鉞侍中督十州諸軍事大司馬太尉冀州刺史加黃屋左纛備九錫羽葆鼓吹有司奏議

曰武孝文爲撰誌銘線服親臨墓所以前魏書備載其事但不言封樹之處及廟立之由墓與廟當不相遠也其廟豈州人思王之德衆所建乎不然寺沙門所置也至今爲洛北之望祀年代寔遠雖牲牢日享而室壁墜頽大中六年六月洛之豪族孟州長史焦宗美特舍家財大新厥宇兵衛嚴列廟貌益崇愚別墅寄溫谷川東走十里直王之廟每見遠近里社吹鼓嗽管以趨赴及問主之名位爵邑皆失其傳乃乘暇謁拜碑板埋滅莫識何從退尋家牒考於魏史是知卽余之十二祖也伏念甘棠勿剪召德實思若非積化深洽卽何能五百年

之後而血祀不絕乎恐盛烈沉翳無復彰明不敢多文

遂斫石重紀大唐咸通八年歲次丁亥十一月壬子九

日甲辰刻

十二代孫元規元質元靜並前八人同建立孫璋鐫

億按廟碑為馮熙十二代孫元德等八人斫石重紀

以好事者搨摹不及石幸得完好其文序列馮熙事

跡並依魏書然攷熙本傳熙長樂信都人今碑則云

冀州長樂人元德所述蓋以唐地里為據非其實也

又碑言洛陽經永嘉大亂之後宮寺毀廢質之傳文

洛陽雖經破亂而舊三字石經宛然猶在熙與常伯

夫相繼為州廢毀分用大字頽落則石經敗沒熙實

為首備而碑惟以永嘉之亂歸於兵火焚棄嗚呼此

豈足以蓋厥愆與傳載熙為政不能仁厚而信佛法

碑反言為政仁恕其過為曲諱尤不可掩者余故備

著之以見子孫溢美之詞非其實也

唐經幢

正書在縣東十里五龍廟缺伏為先考尚書缺蘭陵夫人敬立斯幢奉薦冥福謹記大唐乾符

六年八月一日東都天官寺沙門歸詔書畢

唐昇仙廟興功記

八分書在縣南緱山下仙君觀尚書禮部郎中賜緋魚袋李綽撰

夫人道陽教重元妙理考慮無之跡合恍惚之言則有

缺周靈王太子駕鶴冲天遺廟之所在也綿祀千百與

世瞻依而椽棟傾塗墜摧剝肅恭奚展焚醮無歸今河

陽行軍懷州刺史僕射清河張公即留守太保相君之
 令弟游心眾妙秉筆志出塵省日費之資出星冠之侶
 鴻工合力易朽為堅扶曲檻於層巒正飛薨於絕巘
 容可久勝事一新雲路重開庶觀賓天之駕風篁無廢
 如聞夜月之笙觀玉燕尊師以允就厥功宜刊貞石謂
 綽執趙昇之敬沐稷苴之仁猥命撰詞不敢堅挹時乾
 寧四年正月三日記

觀主道士燕鑄前進士鄭珏書光化三年添前字

億按李綽記此廟興功所自者有云今河陽行軍懷
 州刺史僕射張公即留守太保相君之令弟案唐留
 守東都有張延賞贈太保至乾寧時代迥殊且系亦
 不出清河攷五代史張全義傳全義為河南尹記所
 指留守即謂其人然亦惟加拜太師未嘗言太保或
 史文從略不書也全義有弟全武當全義為河陽節
 度使而全武為河陽行軍懷州刺史亦權位所必及
 者然則記云僕射清河張公信可推矣記後列前進
 士鄭珏書下小註光化三年添前字案撫言得第謂
 之前進士則珏書記時猶未第也歐陽五代史鄭珏
 傳珏父徽為河南尹張全義判官珏少依全義居河
 南舉進士數不中全義以珏屬有司乃得及第今列
 銜稱前進士者殆謂此也

唐鄭畋謁昇仙太子廟詩

正書在縣南緱山下仙君觀

在昔靈王子吹笙遡次寡六宮攀不住三島互相招亡
國原陵古賓天歲月遙無蹊窺海曲有廟訪山椒石帳
龍蛇拱雲樓彩翠銷露壇裝琬琰真象寫松喬珠館青
童宴琳宮阿母朝氣輿仙女侍天馬吏兵調湘妓紅絃
瑟秦郎白管簫西城邀綽約南嶽命嬌嬈句曲觴金洞
天台嘯石橋曉花珠弄藥春茹玉生苗二景神光秘三
九寶籙饒霧垂鴉翅髮冰束虎章腰鶴馭爭啣箭龍駕
各獻綃衣從星渚浣丹就日宮燒物外花常滿人間葉
自凋望臺悲滂淚戾闕水笑梁昭古殿香殘地荒階柳長
修禊會期七日無復降重霄嵩嶺絕天漢伊瀾入海潮
何由直真訣使我佩環飄

余大中八年爲前渭南縣尉閑居伊洛常好娛遊春夏
之交獨登嵩少路由緱嶺謁昇仙太子廟雲霞之志於
是浩然遂構詩一章用申凝慕今者謬塵樞務已及四
年忽覩成康大夫奏牋請以元元廟李尊師配任賓天
觀則知緱巖虛宇儀象重新輒寫舊詩記王公請標題
於廟內乾符四年閏二月三日開府儀同三司行門下
侍郎兼兵部尚書平章事監修國史鄭畋記

億

按鄭畋詩一首附記云余大中八年爲前渭南縣

尉閒居伊洛常好娛遊按新唐書畋本傳以書判拔
 萃擢渭南尉父喪免宣宗時自敏中令狐綯繼當國
 皆怨德裕其賓客並廢斤故畋不調幾十年然則畋
 自謂閒居伊洛蓋由此也又云今者謬塵樞務已及
 四年宰相表乾符元年鄭畋為兵部侍郎翰林學士
 承旨計此時標題之歲正在四年與史悉合畋崎嶇
 危難忠以濟王故得其詩記尤可喜也畋名殘其半
 然推證悉顯據而金石攷謂無姓名豈未見末幅耶
 詩在昔靈王子刊本在三島互相招刊本互作去曉
 花珠弄藥刊本曉龍妃各獻綃刊本如誤作紀各作
 物外花長滿刊本長嵩嶺絕天漢刊本絕今悉依石
 本為正

唐缺大夫行太子左庶子分司東都上柱國范陽盧缺
 墓誌正書在縣學明倫堂

范陽缺郡人也其先齊太公之缺刑部員外郎諱莊

道缺公之伯仲頡頏缺宣州宣城縣令轉太子左庶子

先夫人缺徐氏追缺太夫人缺王父諱缺太子正字

秩滿攝度支巡官是歲京師大旱缺郎奏公克考試官

其人他邑有殺人亡命者缺有日矣府尹以公清白

公求證驗缺即于公之陰德無以過也由是遷缺改

監察御史 缺 行府 缺 揚州院事轉殿中侍御史 缺 京兆

府 缺 曹 缺 於神州第名為轉春官 缺 時為得人故相國

崔公諱鄂內供奉 缺 府揚厲當官從容 缺 府風望尤 缺

之公曰 缺 使公為副 缺 享年七十有三 缺 殆七八年 缺

月十五日 缺 於 缺 里之私第其 缺 年 缺 在丙子四月十

三日 缺 先府君之 缺 也夫人清河郡君崔氏 缺 出女 缺

人 缺 河南福昌縣丞 缺 訓當必光其門 缺 郁郁盧氏 缺

門傳祖訓 缺 薦能拔義 缺 夙昔 缺 山 缺 松楸

億 缺 按誌久漫滅賴韓太初諦審竭目力者二日文句

乃略可讀題銜有盧字及銘文郁郁盧氏何誌之

行范陽字其先齊大公字於是氏姓始備誌叙盧君

先世有刑部員外郎諱莊道質之新唐書宰相世系

表大房盧氏莊道刑部員外郎以此歷數下五格內

有錯為左庶子誌題亦稱行太子左庶子又誌稱公

之伯仲頡頏據表列銳平陸尉鉢大理評事綱睦州

刺史鈞字子和太子太師下即錯下又列庚檢校比

部郎中昆季蓋極一時之盛亦與誌文合則知盧君

即錯也誌稱于公之陰德無以過是盧公又嘗雪冤

獄為良吏之最宜其名不泯於後也

唐崔公墓誌蓋 篆書在縣學明倫堂

有唐故湖南觀察使贈兵部尚書清河崔公墓誌銘

億按誌蓋得自壽聖寺左張氏篆書凡二十字訊之

張氏亦莫知此石從何出土按新唐書宰相世系表清河小房有瑾字休瑜湖南觀察使本傳瑾禮部侍郎湖南觀察使舊唐書本傳瑾大中十年登進士第累居使府歷尚書郎知制誥咸通十三年知貢舉選拔頗為得人尋拜禮部侍郎出為湖南觀察使與誌銘並同豈其人與崔陞贈太師葬偃師瑾為其孫屬亦附葬於此理或然與

鄭仲賢詩

篆書在緱氏鎮永慶寺

秋風寂寞秋雲輕緱氏山頭月正明帝子西飛僊馭遠

不知何處夜吹笙

杜正獻公題白傳謂劉賓客詩云在在處處常有靈物擁護今見滎陽之

詩筆斯亦近之

億按鄭仲賢詩舊志作唐鄭仲賢今附於唐諸石刻之後又何公碑正身八分書刻字太淺漫滅已不可摹

唐故舒州刺史何公碑額

篆書在縣西南寧家寨東

唐偃師令崔府君清德頌

佚

天下金石志崔融撰在偃師

府志引

唐顧少連碑

佚

通志金石略兵部尚書東都留守顧少連碑在西京

張宏靖書 府志引

唐裴氏祖德碑 佚

天下金石志曾孫潏撰並書在偃師 府志引

唐禮部尚書許康佐碑 佚

金石錄書一人姓名殘缺 府志引

唐崔邸碑 佚

天下金石志李則書在偃師 府志引

唐稍昌碑 佚

天下金石志歸登八分書在偃師 府志引

唐洪州錄事泰軍趙道光碑 佚

墨池編唐繚氏趙道光碑齊抗書 府志引

唐裴曹碑 佚

天下金石志趙博元書在偃師 府志引

後梁贈太尉葛公神道 缺行書在縣西北槐廟村西

設教 缺於焉利用 缺蓋殷周之前將 缺柄泊秦漢之

後文武殊 缺至若綱紀彛倫範圍 缺闡揚至理崇樹鴻

猷則用武之 缺獨 缺夫披 缺動 缺緒至 缺大義至公聞

物宏 缺名和氣庇育羣生其揆一也夫物窮則變否極

則通時雖類於循環事 缺雕方戡定遂生剪 缺韓彭 缺

以凌霄翼真人而缺風雲之會影響無殊缺之則有

故昭義軍節度缺州缺置等使開府儀同三司檢校太

師缺接神仙負山缺焉字通美其先濮州鄆縣秦缺人

也禮也會祖阮祖遇賢父簡贈兵部尚書惟公世方缺

圖缺勵越石着鞭之志生知韜略時合孫缺淡爾而酌

中文武居然而兼修素業唯是唯缺目家刑缺文兆忠

孝之名原始要終血字表公侯之分太祖皇缺時缺於

是缺榮名委質伐蔡之役戰酣缺石口愧缺之隻輪不

返而又充之塞鯨鯢萬人勦戮無遺輜重皆棄鞶約而

縛而授自缺返又缺尚缺山僵屍蔽野以功缺尚書時

秋風寂寞秋雲輕縵氏山頭月正明帝子西飛儂馭遠

不知何處夜吹笙杜正獻公題白傳謂劉賓客詩云在

詩筆斯亦近之在處處常有靈物擁護今見滎陽之

唐故舒州刺史何公碑額篆書在縣西南甯家寨東

億按鄭仲賢志作唐鄭仲賢今附於唐諸石刻

之後又何公碑正身八分書刻字太淺漫滅已不可

摹

唐偃師令崔府君清德頌佚

天下金石佚偃師府志引

唐顧少連碑佚

金石錄上

通志金石略云書東都留守顧少連碑在西京

張宏靖書府志引

唐裴氏祖德碑佚

天下金石子注換並書在假師府志引

唐禮部尚書許康佐碑佚

金石錄書姓人姓名殘缺府志引

唐崔耶碑佚

天下金石志李則書在假師府志引

唐趙昌碑佚

天下金石志歸登八分書在假師府志引

復統全師礪山下寨康村接戰前軍缺通上黨蕃我

愛贍改授懷州刺史屢立殊勲繼膺賞典又假吏缺蕃

缺自缺落落領二千騎缺馬步二千殺戮殆盡生擒落

奪馬三千又殺缺後尋授節旄假缺義兩使留務蕃軍

周楊五之眾結寨連營缺而身先幽滄克缺授宣義軍

行軍司馬俄代丁會入潞州俘戮缺下凡經八日納缺

檢校司徒又入井陘攻討并部降李洪範已缺致力中

缺沉痾於邊上明年青齊之眾復陷兗州缺我捐軀濟

難缺加太子太師食邑二千戶缺念勲乃蹙疾恙缺隆

別缺山恩異缺代未之有也俄而美所滋深醫和弗缺

人之云亡恨狠缺尚將指為缺勒十月三日歸葬於偃

師縣毫邑鄉林缺里之別墅贈賻咎缺夫檢校缺部缺

將軍同正不仕次日彥勳金紫光祿大夫檢校兵部尚

書前守洪州別駕缺尚書守左驍衛將軍次日彥浦殿

前受夫檢校兵部尚書前守洪州別駕缺英飛龍使充

西京都監銀青光祿大夫缺百銀青光祿大夫檢校太

子賓客徒左威衛上將軍連榮缺戚迭照閨門玉鏡臺

前匪獨推缺禮以竭情臨事而銜恤始終部分缺灼一

時斯又見缺答之重沓皇帝臨軒缺悼撤缺朝缺伊昔

皇唐克靖災眚傷面克敵著於史傳盈羨廂瘦六尺之

脰肉不枯連缺百六武德孔昭青兗三寨缺外畏威

統眾出師缺石火邛山之陽缺山去似隙駒缺誰其問

磨天逸勢缺我梁戰酣馬逸缺茲大勳飛蝗越境缺丹

旄平生氣意授天明命上失銜勒傑出十亂猛獸遁去

輒輒輻車命世功夫間坐杪缺下車策之炳若丹青軍

食初服萬人之敵金瘡猶在貞明二年歲次丙子十一

月缺朔十二日缺建

億按葛太尉殘碑余乙巳二月始過其墓碑石舊為

兩風激射間有存者惟下二尺餘埋於土中尚完好

急為剪剔出之碑內題云故昭義軍節度澤潞等州

觀察處置等使開府儀同三司檢校太師下缺數字其所載歷官晉秩皆與傳略同五代史從周濮州鄆城人今碑云鄆縣當時載筆者為梁太祖父嫌名避之攷舊唐書哀帝紀勅全忠請鑄河中晉絳諸縣印縣名內有城字並落下如密鄭絳蒲例單名為文據禮不諱嫌名而唐之諸帝與其士大夫競相規易至其末季尚欲持是區區虛崇無益之數冀以籠制冥悍跋扈如溫之至無賴者又豈遽為之動與史言從周從太祖攻蔡州太祖墜馬從周扶太祖復騎與敵步鬪傷面身被數瘡攷此碑伐蔡之役戰醜云云文

證以銘詞所謂戰酣馬逸上失銜勒下車策之傷

面克敵碑既悉與傳符而從周功績初已可見如此

又本書晉王怒自將擊從周從周雖大敗而梁兵擒

其子落落送於魏斬之

羅紹威傳梁兵擒晉王子落落送於魏宏信斬之與此同

此碑竟云馬步二千殺戮殆盡生擒落落奪馬三千

則從周竟未大敗矣落落亦屬自擒而歐陽乃歸之

梁兵反覆推之知史誣也碑奉勅書撰從周子孫斷

無敢於冒列功狀虛誑溢美以耀後世者歐陽或襲

之舊聞而從周戰績幾於泯沒不張非是碑後世其

孰從而知之碑後文又有入井陘攻討并部降李洪

範傳亦失載從周為宣義行軍司馬傳書於既敗燕
 兵之後依碑又在代丁會之前恭錯乖迕並宜依碑
 為據至所書末帝即位拜昭義軍節度使封陳留郡
 王食其俸於家卒贈太尉從周當致仕日已居偃師
 未聞再召用及後卒也亦當於居偃師而碑云以十
 月十三日歸葬於偃師縣毫邑鄉然則從周又非終
 沒於家者錄之其亦俟考也從周曾祖父阮祖遇賢
 父簡贈兵部尚書從周諸子碑尚可見者次日彥敦
 次日彥浦史並略不書獨余為暴出之使幸有聞而
 碑亦於從周祖父列名獨不為少蝕疑亦有待於後
 人與周德威小字陽五碑云周揚五之眾陽作揚此
 亦自史文傳記有誤故又附見於此知是碑之載為
 益不可沒也

後唐贈太師張全義墓神道碑額篆書在縣西南經周

唐故忠武缺節度使贈缺師諡忠肅缺王神道之缺

億按五代史張全義傳事梁累拜中書令食邑至萬
 三千戶兼領忠武陝虢鄭滑河陽節度使判六軍諸
 衛事天下兵馬副元帥封魏王至唐又加拜全義太
 師尚書令改封齊王及卒年七十五謚曰忠肅並與
 題額合攷全義雖兩封王今碑額以唐為斷則王字

上闕文當屬齊字其為全義無疑也

通志作張繼祚按全義子繼祚

官至上將軍以晉高祖時謀反諸皆與碑額不侔知其失檢也

後唐贈張繼祚勅 行書在縣南經周田間

勅張繼祚朕以故齊王早推德望備著勲庸久綏河洛之人再造澗瀍之地遍兼近鎮咸播休聲存既誓於山河歿宜刊于金石今差翰林待詔張璠宣賜神道碑銘便令書石故茲示諭想宜知悉春暄汝 缺 否

億 按碑石舊有拓本近埋淤土中始命役夫出之已

斷為二矣全義守河南三十年史稱其披荆棘勸耕 補躬載酒食勞民畎畝之間築南北二城以居之數

年人物完盛民甚賴之今勅所云久綏河洛再造澗

瀍信非誣也勅以賜全義子繼祚蓋宣示神道碑銘

而通志遂以碑額即為繼祚其疎舛由此故具錄之

以正訛云爾

聶公神道碑 正書殘滅在顧縣鎮田間

億 案碑額題故左監門衛將軍致仕聶公神道之記

字完好惜正文漫滅莫知其名字也

補遺

齊陽安都造碑像記

正書在縣南後周村

昔波斯慕聖以鉅靈容育王建塔而留妙狀是以都邑
至揚安都合邑五十人等皆至心聰穎解識無常遂罄
竭家珍敬造碑像一區備營元闕今得並就以此微因
仰資帝祚永延金輪耀世又願七世蒙澤常遵正化遷
及有形去來同益其詞曰

波斯遠聖迭習相因育王建塔化導無邊智周有趣為
物遲延共崇茲祐寄記永季 武平七年歲次丙申四
月十五日建

億案武平七年造像碑在董家村者爲孟阿妃所建其書武平七年歲次丁酉証之此碑七年爲丙申蓋阿妃紀歲誤也汜水武平五年殘碑書歲次甲午汝州法行寺武平六年殘碑書歲次乙未則楊安都碑立自七年云丙申者爲是阿妃女流倩俚俗人書之其謬至此碑刻爲韓廷乙搜出廷乙太初子也少年好奇如斯尤不可沒其用心故樂爲著之以勸邑人也

